

СССР ФАНЛАР АКАДЕМИЯСИ — ЎЗБЕКИСТОН ФИЛИАЛИ
ТИЛ, АДАБИЁТ ВА ТАРИХ ИНСТИТУТИ

Р. НАБИЕВ

ЎЗБЕКИСТОН ХАЛҚЛАРИНИНГ
ЧЕТ ЭЛ БОСҚИНЧИЛАРИГА
ҚАРШИ КУРАШИ

(Эпизодлар)

ЎзФАН НАЦИОНАЛ
ТОШКЕНТ—1942

Мас'ул мұхаррир З. Ражабов

Р6772. Босишга ижозат берилди 22/VI—1942 й. Тиражи 3.500 Автор
листи 3,2. Босма листи 1,8. Бир босма листда 36000 ҳарф.
Баҳоси 2 сүм 25 тийин.

Тошкент. ЎзФАН Нашриёти босмахонаси—1942. Заказ № 211

АВТОРДАН

Буюк Совет Иттифоқининг халқлари ўз озодлиги йўлида гитлерчи босқинчиларга қарши адолатли ва кескин кураш олиб бормоқдалар. Қаҳрамон большевиклар партияси ва жонажон доҳиймиз ўртоқ Сталин бу Улуғ Ватан урушига раҳбарлик қилиб, совет халқини, унинг шавкатли Қизил Армиясини, Ҳарбий-Денгиз Флотини ва авиациясини қонхўр ва разил фашист галалари устидан ғалаба қилишга бошлаб бормоқдалар. Бутун совет халқлари, шулар қаторида Ўзбекистон халқлари ҳам фашизмни ер юзидан батамом супуриб ташлаш учун бор кучи блан кураш олиб бормоқдалар. Ўзбекистоннинг урушда қаҳрамонлик кўрсатган фарзандлари—Совет Иттифоқи қаҳрамони Қўчқор Турдиев, Қурбон Умаров, Рўзимат Усмонов сингари ватанпарвар йигитларимиз Совет Иттифоқининг барча халқларига танилдилар.

Совет кишиларининг қаҳрамонлиги таваккалчиликдан иборат эмас, чунки большевиклар партияси бизни дадил ва хуш'ёр бўлишга, имкониятларимизни аниқ ҳисобга олиб туриб, пухта иш қилишга ўргатган. Ўзоқ ўтмишдаги озод ва ҳурриятпарвар ота-боболаримизнинг муносаби авлоди бўлган Қўчқор Турдиев сингари қаҳрамонлар таваккалчилик блан эмас, балки зеҳн ва пухталикка ўз фидокорлик ва ижодларини қўшиб иш кўрадилар. Ўтмишдаги халқ қаҳрамонлиги намуналарини бундай қаҳрамонларимиз ижобий традиция қилиб оладилар.

Совет халқлари ўтган замонларда чет эл истилочилирига қарши тинмай қаҳрамонона курашиб келганлар. Ўртоқ Сталин 1941 йил 7 ноябрь куни—Улуғ Октябрь социалистик революциясининг 24 йиллиги кунида сўз-

лаган нутқида: „Сиз олиб бораётган уруш—озодлик урушидир,adolатли урушдир. Александр Невский, Димитрий Донской, Кузьма Минин, Димитрий Пожарский, Александр Суворов, Михаил Кутузов каби улуғ боболаримизнинг қаҳрамонона образлари бу урушда сизни илҳомлантирсинг. Улуғ Лениннинг зафарли байроби сизга мададкор бўлсин!“ деган эди.

Мана бу сўзлар бизни ўтмишимиздан ўринак олиб курашишга да'ват қиласидиган чақириқдир.

Ўзбекистон халқлари ўзининг узоқ тарихи давомида ички ва ташқи эксплоататорлар блан курашиб келган. Халқимиз четдан келган босқинчиларга қарши курашларда ота-боболарининг мағдлигини, фидокорлигини ўзида сақлаб, душманларни енгиб келди.

„Ўзбекистон халқи бир вақтлар жаҳоннинг илғор халқларидан эди. Унинг бой маданияти бор бўлиб, бу маданият ўз қўшиси бўлган улуғ халқлар ва маданиятлар та'sири блан сугорилган эди. Бу халқ Ўонистон, Хитой, Хиндистон ва Эроннинг қадимги маданиятларининг умумий ҳаёти блан бирга яшаган. У, бирлашган жаҳон маданиятини яратишда тенг ҳуқуқли бўлиб қатнашган.

Гуллаб турған воҳаларни Азиянинг қақраган қумлари кўмиб кетганидек, шарқ феодализми, кейинчалик капиталистик давлатларнинг мустамлакачилик сиёсати халқнинг бой ижодиётини дин ва миллатчилик зулмининг қора чодирлари остига буркаб ташлади. Бу қадимги маданият турғунликда қолди. Буржуа назарияси бу эски маданий халқнинг сан'атига ўлим муҳрини босиб, шарқни ҳаракатсизлик ва турғунлик ҳукм сурган мамлакат деб э'лон қилди.¹

Революциядан илгари чор Русиясининг қолоқ мўстамлака халқларига айлантирилган Ўзбекистон халқлари Совет ҳукуматининг 24 йилдан ортиқ даврида иқтисодий, сиёсий ва маданий жиҳатдан мислсиз тараққиётга эришиди. Ленин-Сталин партияси раҳбарлиги остида, улуғ рус халқининг яқиндан қилган ёрдами блан мустамлака қуллигини ўз устидан ирғитиб ташлаб, шакли миллий, мазмуни социалистик маданиятини юксалтириди. Ўзбекистон халқи, ўзининг ўсиб бораётган социалистик қурилишларида, ривожланган ишлабчиқаришнинг ҳам-

¹ „Правда“, 27/V—1937.

ма соҳаларида мингларча меҳнат қаҳрамонларини, донгдор кишиларни етиштириди.

Мана шундай буюк ғалабаларга эришган ўзбек халқи ўзининг озод, ҳур турмушининг поймол бўлишига, халқлар дўстлигининг бузилишига, фашизмнинг зулми остида эзилишига, маданий ҳаётнинг тор-мор келтирилишига қарши курашда ўзининг қаҳрамонона ўтмишига қайрилиб қарайди, ундаги ижобий намуналардан, умум кишилик манфаати йўлида давом этаетган урӯшда мадад ва илҳом олади. Шубҳасиз, Буюк Октябрь социалистик революциясининг ғалабаларини сақлаб қолади. Герман фашизмининг босқинчилик ва озод халқларни қайтадан қулликка тушуриш мақсадларида бошлаган ҳужумларини СССР нинг бошқа халқлари блан бирга Буюк Коммунистлар партияси ва ўртоқ Сталин раҳбарлигига даф' этади ва душманни узул-кесил тор-мор келтиради.

ЎЗБЕКИСТОН ХАЛҚЛАРИНИНГ ЮНОН-МАКЕДОНИЯЛИЛАР ҲУЖУМИГА ҚАРШИ КУРАШИ

Хозирги Ўзбекистон территорияси Совет Иттилоқидаги жуда эски, қадимий районлардандир. Эрамиздан бирнеча асрлар илгари Суғдда Окс (Амудар'ё) блан Яксарт (Сирдар'ё) ораларидаги ерларда ўтроқ ва кўчманчи аҳоли яшар эди. Суғдлилар қозиб чиқарилган ариқларининг суви блан ер суғориш усулини майдонга келтирган ва бу усулни яхши йўлга қўйган эдилар. Эронийларининг қадимги муқаддас китобларида,¹ Суғднинг бой, гуллаган мамлакат әкани кўрсатилади. У вақтлари бу ўлкада суғдлилар блан бир қаторда бошқа кўпсоғли кўчманчи ва ўтроқ халқ ҳам яшаган. Жумладан, хоразмилар ҳозирги Хоразмда, кўчманчи массагетлар Орол денизи бўйларида (кўпинча Қизилқумда), саклар Яксарт дар'ёсининг ўнг қирғоқларида, баҳтриялилар ҳозирги Афғонистон ва Тожикистоннинг жанубий томонларида яшар эдилар. Чорвачилик районлари блан деҳқончилик районлари ўртасида савдо муносабатлари бўлган. У чоқларда кўпгина шаҳарлар вужудга келган бўлиб, уларда асосан қишлоқ аристократлари, сўнгра хунармандлар ва савдогарлар яшарди.

Бу шаҳарлар ичida, Суғд вилоятининг пойтахти Мараканда (ҳозирги Самарқанд) блан Баҳтрия вилоятларининг пойтахти Баҳтия (Балх) жуда катта шуҳрат ҳозонгаян эди.

Археология қозилмалари асосида йиғилган малумотлар, қадимги Суғдиёнанинг маданиятда анча илфор бўлганини, унда кучли ижтимоий тараққиёт процесси давом этганини кўрсатмоқда.

¹ Авестада.

Эрамиздан бурунгі VI аср үрталарида, Ўрта Осиё-нинг мана шундай районларига ҳорижий истилочилар-нинг қўшинлари юрабошлади. Булар—форс қўшинини эди. VI аср үрталарида Эронда қудратли форс давлати майдонга келди. Ахмонийлар хонадонидан чиқиб, форслар салтанатини барпо қилган Кайхисрав Эрон, Месопатамия, Сурия, Паластин ва Кичик Осиёни ўзига бўйсундирди.

Кайхисрав қўшини—енгилмас қўшин деб ҳисобланар эди. У ғарбда катта ғалабаларга эришгач, Ўрта Осиё устига юриш қилиб келиб, бу ерда ҳалокатга учради. Оксдан ўтиб, массагетларга жужум қилган Кайхисрав, турли макр ва ҳийлалар блангина, бу қабиланинг олдинги отрядларини енгаолди. Лекин, кейинроқ макр ҳам унга фойда бермади. Эркин ҳаётга ўч бўлган массагетлар, бу келгинди истилочига қаттиқ зарба бердилар. Улар шиддатли жангда, Кайхисрав қўшинини тор-мор келтирдилар ва унинг ўзини ўлдирдилар. Лекин қудратли форс давлати Ўрта Осиёдаги уруғларнинг тарқоқлигидан фойдаланиб, буларни ўзига қаратиб олди. Аммо Ўрта Осиё ҳалқлари форсларнинг ҳукмронлигига рози бўлиб қолабермадилар. Улар факт фурсати келгунчагина ўч олиш истагини ичда сакладилар.

Ўрта Осиёда форс ҳукмронлиги икки юз йил давом этди. Бу давр ичида ерли ҳалқлар, ташқи душман зулмидан озод бўлиш учун, кўп ҳаракат қилдилар. Бунинг натижасида, Хоразм мустақил бир мамлакат бўлиб кетди. Форс давлатига тоби' бўлган кўчманчи саклар эса, унинг иттифоқчисига айландилар.

Эрамиздан 344 йил илгари бўшашиб бораётган форс давлатининг ўзи ҳам чет истилочилар ҳужумига учради. Бу даврда Болқон ярим оролида кучли Юнон-Македония давлати майдонга келди. Македония қўшини форслар қўшинига қараганда жуда ҳам яхши қуролланган ва ўша замоннинг олдинги техникаси блан бойитилган эди.

Бу ерда шуни айтиш керакки, форс қўшини турли ҳалқлардан иборат бўлиб, булар урушга мажбуран тортилган ва турлича қуролланган эдилар. Бахтриялиларда ҳали ҳам қиличли аравалар ишлатилар эди. Македония қўшини эса, бутунлай бошқача қуролланган эди. Македония қўшинининг катта қуроли узун найза-

лардан иборат эди. Булардан бошқа, македониялиларда манжаниқ ва саркўп каби ҳарбий машиналар ҳам бор эди. Бу қўшининг бошида жанговар аскарбошлиқлари ва талантли саркарда—Македония подшоҳи Александр (Искандар) туарар эди. Бу истилочилар беш йил давомида Ўрта Осиёning форс давлатига қарашли бошқа ерларини забт этдилар.

Охиригина форс подшоҳи Доро Кодоман Ўрта Осиёга қайтиб, бу ернинг ҳарбий кучига таяниб, македониялиларга қарши урушни давом этдириш ниятида эди. Лекин суғдлилар блан баҳтриялилар, ўзларини ўша вақтгача эзиб келган золимлар ҳукмронлигининг тикланиши учун урушишни хоҳламас эдилар. Улар урушни олиб боришга тайёр туради, лекин бу форс подшоҳининг хурсандлиги учун эмас, балки ўзозодликлари ва мустақилларни учун эди. Доро Кодоманини баҳтрияли Бесс ўлдириди. Бесс ҳам, Александрга қарши қўэғолон кўтарган Спитамен ҳам форслар учун эмас, балки ўз эркиниларни учун, Македония аскарларига қарши курашишга қарор берди.

329 йилда Александр қўшиний Ҳиндикӯш тоғларидан ўтиб, Ўрта Осиё¹ текисликларини ишғол қилди. Александр Баҳтрияни олиб, Оксга қараб юрди. Александрнинг яқинлашганини билган Бесс, Амудар'ёдан ўтиб, ўз кемасини ёндириб юборади ва Навқат² қишлоғига келади.

Окс жуда кенг, унинг чуқурлиги ҳар қадамда ўзгарди, тегида қалин қум қатлами бор. Мана бунинг натижасида, ундан кечув орқали ўтиб бўлмайди. Дар'ёнинг яқин атрофларида ёғоч бўлмаган. Шунинг учун ҳам, унда кўприк қуриш, ёки кема ясаш жуда қийин бўлган.

Натижада Македония аскарлари Александр фармони блан, чодирларига (палаткаларига) ишлатиладиган терилардан мешлар ясади, шулар воситаси блан 5 кун ичida дар'ёдан ўтадилар. Александр, юқорида айтилган Навқат қишлоғида, Бессни асир қилиб олди, чунки Бесс, форс ҳукумати кабий, подшоҳликни тиклашга ин-

¹ Амудар'ёнинг чап томонидаги Баҳтрияниң тарихи, дар'ёнинг ўнг томонидаги вилоятлар блан жуда боғлик бўлгани учун, кўп тарихчилар у ерни ҳам Ўрта Осиёга қўшадилар.

² Навқат—Кашқадар'ё водисида, Қарши блан Шаҳрисабз орасида бўлган бир қишлоқ.

тилгани учун эркин яшовчи баҳтриялилар ва сүғдлилар орасида бўлган иттифоқчиларидан мадад ололмади.

Шу йилнинг ўзида, Александр Ўрта Осиёning жанубий районларини Яксартгача забт этади. Бу давр тарихини баён этган манба'лар—юнонлиларнинг ўзлари қолдирган малумотлардан иборат бўлиб, улар асосан Александрнинг ҳарбий ютуқларини, Македония аскарлариинг каҳрамонлигини мақташ блан чекланади. Шундай бўлса-да, бу Юнон авторлар, маҳаллий халқнинг Македония аскарларига қаттиқ қаршилик кўрсатганинг яшириб ўтаолмаганлар. Бу нарса, бирор ҳодиса-воқиани баён этганларида, воқианинг боришидан ҳам очиқ кўриниб туради. Александрнинг Яксарт бўйига қадар боргани ва йўлда маҳаллий халқнинг қандай қаршиликларига учрагани ҳақида юқорида қадим замоннинг авторлари (Ариан, Квінт Курций ва бошқалар) лом-мим демайди. Александр Яксарт бўйларида ва унга яқин ерларда 7 шаҳарни олади. Булар ичидан Александр аскарларига жуда ҳам қаттиқ қаршилик кўрсатгани ҳозирги Ўратепа ёнида бўлган Кирополь шаҳри эди. Александр қўшинининг маҳсус бир қисмини Кратер қўл остида Киропольга юбориб, ўзи қолган аскарлари блан бошқа шаҳарларни забт этишга жўнади. Лекин, Киропольга борган Македония аскарлари кутганларича иш қилаолмадилар. Кирополь, ўз замонининг бошқа шаҳарларига қараганда, жуда ҳам мустаҳкамланган, баланд ва қалин деворлар блан ўралган шаҳар эди. Унда ёлгиз шаҳар аҳолиси эмас, балки шаҳарнинг узоқ атрофларидан ҳам истилочиларга қарши урушиш мақсадида бу шаҳарга кўп курашчилар йиғилган эди. Шунинг учун ҳам бу азamat қўрғондаги қаҳрамон курашчиларга баробар келиш македониялиларга ғоятда қийин бўлди ва улар ғолибият қозонишларига ишонмай қолдилар. Ниҳоят, Александр ҳужумидан ғазабланган Киропольдаги халқнинг фидокорона ҳаракати, Ўрта Осиёдаги бутун Македония аскарларини бу енгилмас қўрғон атрофига йиғилишга мажбур этди. Александрнинг илгари юборилган аскарлари қўрғонга яқинлашаолмай, Александрнинг келишини кутдилар. Александр ва бутун Македония аскарлари йиғилгандан кейин, қўрғонни девор бузар машиналар блан хароб қилиб, шаҳарни штурм блан забт қилмоқчи бўладилар. Лекин ватан ва озодлик учун курашучилар бунга им-

кон бермадилар. Болқон ярим оролидан бошлаб, Суғд вилоятигача кетма-кет ғалабаларга эришиб келган Александр бу ҳолатни кўргач, боши қотали ва қандай бўлмасин бирор макр ва ҳийла излашга уринади. Мудофаачилар бино қилган қаттиқ-пишиқ истеҳкомни ўзининг илғор техникаси блан ололмаган Македония аскарлари, қал'адан қор ва ёмғир сувлари чиқиб кетадиган ва мудофаачиларнинг кўзи тушмаган қуруқ бир ариқни топиб, шу ариқ орқали шаҳарга киришга муваффақ бўладилар.

Македония аскарлари шаҳарга бутунлай киргандан сўнг ҳам қал'a ичидаги маҳаллий халқ таслим бўлмай, урушни охиригача давом этдиради. Мана бу ҳақда, ўша замон тарихи учун биринчи манба' ҳисобланган Ариан, бундай малумот қолдиради: „Шаҳарнинг забт этилишини кўргандан кейин ҳам, ваҳшийлар бунга қарамай, Александр отрядига қаршилик кўрсатдилар. Жуда қизғин жанг бўлди...“ Шаҳар кўчаларида бўлган бу урушда Македония аскарларидан беҳад киши ўлди. Александрнинг ўзи ярадор бўлди. Маҳаллий халқдан саккиз минг киши ўлиб, шаҳарга тўпланган 18 минг ботир урушчилардан қолган 10 минги, шаҳар аркига кириб, урушни давом эттирдилар. Ўрта Осиёning қуруқ ва иссиқ кунларида, қаттиқ урушлардан сўнг, булар сувсиз қолганларидагина, мажбурият орқасида таслим бўлдилар. Алекскадр шаҳардаги бутун кишиларни ўлдиришга ва кишанлаб ташлашга, шаҳарни хароб қилишга фармон беради. Шаҳарнинг нақадар қаттиқ қаршилик кўрсатганини Квант Курций бундай ифодалайди: „... ҳеч-бир шаҳар бу каби қаршилик кўрсатмади, солдатлар ҳам тез қирилди, подшоҳнинг ўз баданига ҳам тошнинг зарби тегиб, ўлим хавфига тушиб қолди“.

Александр шу замоннинг ўзидаёқ, Суғдиёнанинг юраги бўлган Маракандада катта қўзғолон кўтарилигани ҳақида хабар олади ва дарҳол бунга қарши Менедем кўл остида 3.000 пиёда ва 800 отлиқ аскар юборади. Бу қўзғолонга раҳбарлик қилган киши—Бахтрияга Александр ҳужум қилган чоқларидан бериунга қарши курашиб келган Спитамен эди. Қўзғоличилар Маракандани қамалга олиб, македониялиларнинг шаҳардаги гарнизонини оғир аҳволга тушириб қўйдилар. Шу вақтда Спитамен Александрнинг Мараканда гарнизонига ёрдамга юборган аскарининг шаҳарга яқинлашганини

эшитиб, ўз одамлари блан Зарафшон бўйларидаги тўқайларга яширинади ва шу орада кўчманчи скифлардан мадад учун 600 отлик киши олади. Македония аскарлари Зарафшон устига келганда, булар тўқайлардан чиқиб, Александр аскарларини ўраб оладилар. Александр аскарлари Зарафшоннинг кичик бир оролига жойлашадилар. Спитамен жангчилари буларни бутунлай қириб ташлайди. Душманнинг қолган озгина аскарларини асир қилиб олиб, уларни ҳам қириб ташлайдилар.

Шундай қилиб, қўзғолонни бостириш учун маҳсус юборилган Македония аскарлари тор-мор келтирилади. Бу воқна ҳақида малумот берган авторлардан Квант Курций қўзғолонни бостиришга келган Македония аскарларининг аҳволини мана шундай деб тасвиrlайди: „Подшоҳ Бахтриядан қочган айбдор Спитаменга қарши Менедемни юборди. У (Спитамен), яшириниб туриш учун қулай тўқайли йўлда дайиларни йиғди. Улар отларга икки кишилашиб минишган эди... Ва уларнинг сур'ати одамларнинг макрига ўхшарди. Спитамен уларга, тўқайни ўраб олиб, душманга ҳам қанотдан, ҳам фронтдан, ҳам орқадан ҳужум қилишни буюорди... Ҳар томондан ўраб олингани Менедем, ўзини кўп мудофаа этди, лекин охирда ерга йиқилди. Жангда икки минг пиёда ва 300 отлик аскар ҳалок бўлди“.

Голиб бўлиб келган Македония аскарларининг бу ҳолга тушуби Александрни шунчалик шошириб қўядики, у уч кун ичида бутун аскарлари блан Яксарт бўйларидан Маракандага етиб келади. Спитамен эса, бу кучга қарши урушиш ҳалокатга олиб боришини олдиндан билиб яширинди ва яна бирқанча вақтларгача курашни давом этдиришга муваффақ бўлди.

Александр келиб, қўзғолончилар томонидан ўлдирилган беҳад Македония аскарларини мумкин бўлганича кўмишга фармон беради. Қўзғолончиларни чўлларгача қидириб боради. У, мамлақатни хароб қилиб, қўлга тушган қўзғолончиларни бутунлай қириб ташлайди. Шу тартибда бутун Зарафшон (Политмет) водисини кезиб чиқади. Квант Курций малумотига кўра, иккинчи бир навбатда, қўзғолончи сугдлиларни суриштириб, 120.000 кишини ўлдиради. Александрнинг ҳужумига қарши Сугд аҳолисининг битта ҳам қолмай кураш байроғи остида тўпланганлиги ана шу фактлардан кў-

риниб туради. Бу ҳаракат бутун дун'ёга донги чиққан ва сүғдиёнани бир марта қўлга олиб, шаҳарларига гарнизон қўйиб кетган Александрни қаттиқ ларзага келтирди ва унинг ҳукмронлигини бир марта тор-мор қилган эди.

Эрамиздан илгариги 328-инчи йилнинг баҳорида Александрга Сүғдиёнанинг яна бош кўтарганлиги ҳақида хабар етади. Қўзғолон бутун мамлакатга ёйилади. Аҳолининг бир қисми енгилмас истеҳкомларга яширинади, яна бир қисми отряд-отряд бўлиб истилочиларга қарши урушиб юради. Александр аскарларини беш отрядга бўлиб, яна Сүғдиёнанинг турли районларига юриш бошлайди. Қаттиқ ва қонли кураш бошланади. Толмас Спитамен, Александрнинг Бахтрия (Балх) яқинида жойлашган лагерига ҳужум қилиб, чет эл истилочиларига кўп қаттиқ зарбалар беради.

Мана шулардан кейин Александр Сүғдиёнани қурол кучи блан ўзига итоат этдиришдан умидини узади. У, бу йўлда бошқа чоралар излайди. Александр қўзғлончилар лагерида юқори мансабларда турган Сүғд аристократиясини ўз томонига тортишга ҳаракат қиласди. Александр томонидан қилинган ажойиб ва'далар, Ўрта Осиёнинг бир туда аристократиясини қизиқтирабошлайди. Аристократлар секин-секин босқинчилар лагерига ўтабошлайди. Бу процесс қўзғолон бошлиғи Спитаменни Александрга ушлаб бериш блан бошланади. Александр томонига ўтаётган аристократлар қаторида, Спитаменнинг хотини ҳам бор эди. У, эри Спитаменни Александрга таслим бўлишга мажбур этганида, бу ишга қаттиқ киришган Спитамен ташқи душманга бош эгишни истамаган эди. У, ҳарқандай қилиб бўлса ҳам, курашни давом этдиришга тиришди. Мана шундан кейин, Спитамен атрофида бўлган ва энди Александрга ён берабошлаган аристократлар унинг бошини олиб бориб, Александр блан ярашишга муваффақ бўладилар. Лекин бу процесс ўшандан кейин ҳам давом этди.

Македония аскарларининг орқасида учинчи катта бир ҳаракат, Тоҷикистон тоғларида кўтарилиб, бу ҳаракат ҳам Александр аскарларига қаттиқ зарбалар ётказди. Македониялилар блан Тоҷикистондаги тоғ халқлари ўртасида жуда ҳам қонли тўқинишлар бўлиб ўтган. Бу ҳаракатнинг бошида Катан ва Австан номли кишилар турган. Бу ҳаракат фақат Александрнинг

Ўрта Осиёдан қайтиб кетиш йили—327-нчи йилда, қўмондон Кратер қўл остидаги аскарлар томонидан катта қурбонлар баробарига бостирилди.

Яксартнинг ўнг томонидаги скифлар (саклар) ҳам Македония аскарларига кўп қаршилик кўрсатдилар. Тарихий манба'лар, дар'ёнинг ўнг томонида ҳам бирнечча километргача Александрнинг скифлар блан урушшиб борганини кўрсатади, лекин дар'ёнинг ўнг томони Александрга тоби' бўлмаган. Кўчманчи скифлар бошдан ҳам ўз мамлакатларини мудофаа қилишга қаттиқ тиришган әдилар. Ҳали Александр бутун аскарларини дар'ё бўйига йиғиб, ундан ўтишга тайёр бўлиб турган вақтида, скифларнинг йигирма кишидан иборат элчи ҳай'ати келиб, Александрга бундай дейди: „... Сен Лидияни, Сурияни, Форсни ва Бахтрияни олдинг, энди бизнинг чорваларимизга очкўзлик блан тўймас қўлларингни чўзасан. Бахтрия устидаги ҳукмронлигинг сенга етарли эмасми? Сен уни забт этгунча, сүғдилар урушибошлидилар. Уруш сенинг ғалабаларингдан туғилмоқда... Танаид (Сирдар'ё) дангина ўтиб қарасанг, ҳамма ёқни скифлар тутиб ётганини, сен буларни сра ҳам қўлга киритаолмаслигини биласан... Бизнинг Осиё ва Европа посбони эканлигимизни кўрасан. Агар ўртада Танаид бўлмаса эди, биз Бахтрия блан чегарадош бўлар эдик; Танаиднинг нариги томонида биз фракиягача бориб етамиз, Фракия эса, Македония блан қўшни экани малум. Яхшилаб мулоҳаза қил! Сен бизнинг душманлигимизни истайсанми, дўстлигимизни?“

Катта куч блан ҳужумга тайёр бўлиб турган буюк Александрга нисбатан қилинган бундай жасурона муомала, Ўрта Осиё скифлари (саклари) нинг истилочиларга қарши қандай ғазаб ва нафрат блан бош кўтарганигини очиқ кўрсатади. Тарихий манба'ларнинг берган малумотларига кўра, Македония аскарлари, Ўрта Осиёнинг ҳарбир қал'асини ғоятда қаттиқ урушлар блан забт этганлар. Бу қал'аларнинг аҳолиси, ўз кучларига ва енгилмас истеҳкомларига шубҳасиз ишонган эди. Александр 327-нчи йилнинг кўкламига чиқиш блан, Суғдиёнанинг энг мустаҳкам бир қўрғони устига юриш қиласди. Бартольд малумотларига қараганда, бу истеҳком Хисорга яқин ерларда экан ва у ғоятда баланд ва мустаҳкам бўлган. Бу ерга кўп сүғдилар йигилгани. Ҳатто, бу ерга Бахтрия ҳукмрони Оксиартнинг хоти-

ни ва қизлари ҳам жойлаштирилган. Қал'ага жуда кўп озиқ-овқат жамғарилган. Бу ҳайбатли қўрғон ва унинг мудофааси Александрни қаттиқ ташвишга солган. Шунинг учун ҳам Македония аскарлари мудофаачиларнинг таслим бўлишларини кўп марталаб сўрайдилар. Лекин қал'а ичидаи ватанпарварлар бу суроққа қаҳ-қаҳлаб кулиб: „Олдин Александр бу истеҳкомга чиқаоладиган қанотли аскарлар топиб келсин, биз оддий кишилардан қўрқмаймиз“,—деб жавоб қайтаргандар. Сўнгра Александр, жуда қийинчилик блан бўлса-да, қал'ага ҳужум қилишга мажбур бўлади. Македониянинг илгари баланд қал'аларга чиқиб юрган тажрибакор аскарларидан 300 таси михлар (қозиқлар) ясаб, кечаси қўрғоннинг жуда тик бир деворига михлар қоқиб, қўрғонга чиқабошлайдилар. Деворнинг бу ери тик бўлганлиги учун, у ер тузук мудофаа қилинмаган эди. Мана шутартибда қўрғонга чиқадилар. Манба'ларнинг ма'lумотига кўра, қал'а 'халқи шундан кейингина таслим бўлади. Узоқ вақтлар бўйи курашиб келган халқнинг бу гал урущиз таслим бўлиши кишида кўп шубҳалар туғдиради. Бу ерда ҳам аристократиянинг хоинлик ролини ўйнаган бўлиши турган гап.

Бундан сўнг, Александр иккинчи шундай бир қал'ани забт қилиш учун юриш бошлайди. Бу қал'а паритаклар вилоятида бўлиб, „Хориен қал'аси“ деб оталар эди. Малумотларга қараганда, бу қал'а Шаҳрисабз блан Термез ўртасида, Бузғола дарасида бўлган. Қал'ага Хориеннинг ўзи ҳам, одамлари блан бирга кириб яширган эди. Қал'ани Ариян мана шундай деб тасвирлайди: „Қал'анинг баландлиги йигирма стадий¹, айланаси эса олтмиш стадийга яқин эди. Унинг ҳамма томони нишаб эди. Унга сун'ий равишда қилинган биргина жуда тор ва қийин йўл бор эди. Қаршилик бўлмаган ҳолда ҳам, у йўл блан чиқиш жуда қийин ва хавфли бўлиб, шунда ҳам биттадан чиқилар эди. Бундан ташқари, қал'а атрофида чуқур хандақ бўлиб, аскарни қал'ага ўтказиш лозим бўлганда, ҳаммадан аввал, хандақни тўлдиришга тўғри келар эди“. Бунда, Македония аскарлари қўрғонга чиқмасдан туриб, Хориен

¹ Стадий—юнонлар ўлчови бўлиб, уни ҳарқаерда ҳархил ҳисоблайдилар. Асосан 150—189 метрга тенглаштирилса ҳам, кўпинча 157,5 метрга баробар деб кўрсатадилар.

Оксиартнинг ташвиқоти блан Александрга таслим бўлди. Бу ерда ҳам аристократиянинг хоинлик қилгани равшан кўриниб турипти.

Македония аскарларининг бу кунгача қўлга киритган ғалабалари, ёки уларнинг юқори ҳарбий техникаси, истилочи аскарларнинг ҳарбий тайёргарликда устунлиги Ўрта Осиёнинг ҳечқаерида ва ҳечвақт маҳаллий аҳолини қўрқитолмади. Истилочиларнинг забт этилган аҳолига нисбатан қилган ваҳшийларча ҳаракати, аҳолини ёпласига қириб ташлаб, беҳад кишини асирикка олишлари, улар томонидан ишлатилган турли оғир жазолар ерли аҳолининг македониялиларга қарши курашини фақат кескинлаштириди, халос. Юонон авторлари томонидан „ваҳшийлар“ деб айблантган ерли халқ, ватанини ташқи душман ҳужумидан озод қилиш учун курашда ўлишни ўзи учун фахр деб билган, бунинг учун хурсанд бўлган ва ўлимга ашуладар айтиб борган. Мана, юонон авторларидан бири Александр ҳузурига олиб борилган ўттизта Ўрта Осиёли асирининг руҳий ҳолатини қўйидагича тасвирлайди: „Подшоҳ ҳузурига ўттизта отоқли паҳлавон суғдиларни келтирдилар. Булар ўзларининг ўлимга олиб борилаётганликларини билатуриб, ашула айтдилар ва турли ўйин-кулгилар қилдилар“.

Ўрта Осиё халқининг истилочиларга қарши қаттиқ кураши натижасида, македониялилар уруш майдонида сон-саноқсиз ўликлар қолдиришга мажбур бўлдилар. Ярадорлар ва урушга яроқсиз бўлиб, сафдан чиқиб қолган аскарлар блан янги бино қилинган шаҳарларнинг тўлиб-тошганлигини Александрнинг поход канцеляриясидан чиққан ҳужжатларнинг ўзи ҳам тасдиқлайди.

Юқорида айтганимиздек, Александр фақат ўз сиёсатини ўзгартириш блангина Ўрта Осиёда ўз ҳукмронлигини мустаҳкамлай олди. Александр Ўрта Осиёдан кетгунича, маҳаллий халқ унга қарши курашни давом эттирди, броқ маҳаллий аристократия босқинчилар томонига бутунлай ўтиб кетиб, халқнинг чет истилочиларга қарши ҳаракатига хоинлик қилгани учун, халқ ҳаракати босилди.

Шуниси қизиқки, Александр Миср, Сурия, Паластин, Кичик Осиё, Месопатамия, Закавказия, Эрон ва Афғонистоннинг кўпчилик қисмини ишғол этган, жуда ҳам кенг форс давлатини беш йил ичида забт этгани

ҳолда, форс давлатига қарашли бўлган кичкинагина бир Суғд вилоятини забт этиш учун уч йил вақт сарф қилди. У, форс давлатининг юқорида айтилган ҳамма вилоятларни бир марта уруши блан қўлга киритиб келган бўлса, Суғдиёнада уч марта қўзғолон кўтарилиди. У забт этган ерларини уч марта қўлдан берди. Натижада, юқорида айтганимиздек, Александр фақат маҳаллий аристократияни сотиб олиш йўли блангина Суғдни қўлга киритишга муваффақ бўлди.

ЎЗБЕКИСТОН ХАЛҚЛАРИНИНГ АРАБЛАР ҲУЖУМИГА ҚАРШИ КУРАШИДАН ЭПИЗОДЛАР

Ўрта Осиё арабларнинг забт этиши олдида (VII аср), VII асрнинг бошларида Мўғалистонда майдонга келган турк хоқонлигига тоби' эди. Биринчи марта ўлароқ майдонга келган бу давлат, тезда (шу асрнинг 88-нчи йилларида) икки мустақил (шарқий ва ғарбий) давлатга бўлинади. Шарқий турк давлатининг маркази Мўғалистонда, ғарбий давлатнинг маркази эса, Еттисуда эди. VI асрнинг охирларида ғарбий турк давлати Ўрта Осиёда ўша вақтларгача ҳукмронлик қилиб келган Эфталитлар давлатига зарба бериб, бу вилоятларни ўзига қаратган эди.

Бу даврда Ўрта Осиё, айниқса унинг деҳқончилик районларининг иқтисадий ва маданий турмуши ачагина ривожланган эди. Ўзининг буғдой, арпа, гурунч ва пахта каби хилма-хил ғаллалари ва кўм-кўк ўтлоқлари блан танилган Зарафшон, Қашқадар'ё ва Фарғона воҳидлари қадимги вақтларда ҳам турли истилочиларнинг диққатини ўзига жалб қилиб келган. Ривожланган ташқи савдога актив иштирок этган бу ўлкада ҳунармандлик ҳам кўзга кўринарли бир ўрин олган эди.

Араблар забти олдидан Ўрта Осиёда шаҳар ҳаёти бирмунча кўтарилиган, янги савдо шаҳарлари майдонга келган эди. Бу шаҳарлар ичida Самарқанд, Бухоро, Шаҳрисабз, Нахшаб, Урганч, Кушония, Пайканд, Кармана, Даббусия, Арбинжон, Косон ва Тараз каби шаҳарлар Ўрта Осиёнинг энг катта шаҳарлари ҳисобланган. Марвнинг 4 километрлик Шаҳристонига баробар келадиган шаҳар Ўрта Осиёда эмас, балки Эронда ҳам йўқ эди. Шаҳарларнинг ҳаммаси деярлик, турли бос-

қинчиларнинг ҳужумларидан сақланиш учун бирнече қават бўланд, қалин деворлар блан ўраб олинган эди.

У даврнинг социаль ҳаётига қарасак, шундай бир манзарани қўрамиз: Ерлар катта ер эгалари ва ўз тирикчилигига етарли даромад берадиган ерга эга бўлган ҳур дехқонлар қўлида бўлиб, катта ер эгалари ўз еларини бошқа экучиларга (чойрикорларга) маҳсус шарт блан экишга берар эдилар. Катта ер эгалари, ғарб мамлакатларидағи катта ер эгалари каби, катта хўжалик эгаси эмас эдилар. Бу даврнинг ҳукмронлари, умуман ҳоким катта ер аристократияси мана шулардан иборат эди. Буларнинг қўл остида қуллар ҳам бўлган. Қуллар патриархаль оиласларда, хўжаликда ишлатилган ҳамда ҳарбий хизмат қилган. Лекин, булар ишлабчиқаришнинг асосий кучлари бўлган эмас. Феодализм жамияти вужудга келганидан олдин бўлган бу даврнинг социаль ҳаёти етарли даражада текширилмаган, шунинг учун бу ҳақда айтилган фикрларнинг ҳаммаси яна чуқур текширилиши ва муҳокама қилиниши лозим.

Ўрта Осиё араблар томонидан забт этилгунча бу ернинг ҳалқи турли динларга эътиқод қиласр эди. Эрамиздан кўп асрлар бурун Эрондан ўтган зардўшт (зороастризм) дини бу ерда ҳаммадан кўпроқ тарқалган бўлиб, у Ўрта Осиёнинг бутуни шаҳар ва қишлоқ ҳалқини ўзига қаратган эди. Ўрта Осиё территориясида минг йиллар бўйи давом этган бу динга чўқинучилардан қолиб, бу кунгача ер тагида кўмилиб ётган нарсалар сўнги йилларда ўтказилган археология текширишлари натижасида очилмоқда. Булар Ўрта Осиё территориясининг ҳарбир ерида топилмоқда.

Араблар ҳужумидан олдин, зардўшт динидан бошқа, Ҳиндистондан ўтган будда дини ҳам ҳукм сурар эди. Бу дин кўпинча Ўрта Осиёнинг шаҳарларида, айниқса Термез блан Балхда ривожлангаф. VII асрнинг ўттизинчи йилларида Ўрта Осиё шаҳарларини кўриб ўтган Хитой зиёратчиси Сюан-Цзан, шаҳарларда будда динига қарашли ибодатхоналар борлиги ҳақида малумотлар қолдирган. Наршаҳийнинг „Бухоро тарихи“. Насафийнинг Самарқанд тарихига оид „Қандия“ исмли асари ва „Тарихи Табарий“ арабларнинг Бухоро ва Самарқандда бирқанча бутхоналарни бузиб, уларни мачитга айлантирганликлари, бутхоналардаги қийматбаҳо нарсаларни олганликлари ва бутларни ёқиб ташлаганликлари

ҳақида малумот берадилар. Араблар забтидан олдин бу шаҳарларда буддистларнинг бой ибодатхоналари ва зардӯштларнинг оташкадалари бўлганлиги мана шулардан равшан кўриниб туради.

Ўтмишда Урта Осиёда бўлгани каби, бу даврда ҳам, мамлакат кўпгина ҳукмдорлар қўл остида бўлинган ҳолда идора этилар ва бу ҳукмдорлар ўртасида қарама-қаршиликлар, ўзаро уруш-талашлар бўлиб турар эди. VI-VII асрларда бу ерда бирлашган битта давлат йўқ эди. Ўрта Осиёning майда давлатлари ичида энг каттаси—Суғд подшоҳлиги бўлиб, унинг маркази Ўнон—Бахтирия давлати йиқилғандан кейин бирнече асрларга ча ўзининг сиёсий ва иқтисодий ролини йўқотган ва VI асрлардан бошлаб қайтадан тараққий этган Зарафшон водисининг энг қадимги шаҳри—Самарқанд эди. Суғд ҳукмдорлари „ихшид“ ва „афишин“ унвони блан юритилиб, Урта Осиё ҳукмдорларининг энг кучлиси ҳисобланганлар. Бухоро вилоятининг ҳукмдори „Бухороҳудот“, Фарғона ва Осрушна ҳукмдорлари „афшин“; Хоразм ҳукмдорлари „хоразмшоҳ“ унвонлари блан оталган. Булардан ташқари, Марв водиси ва Тожикистоннинг жануб-ғарбий вилоятларида кўп ҳукмдорлар маҳсус унвонлар блан юритилган, бу ҳақда биз муфассал тўхтамаймиз. Бу ҳукмдорларнинг оз-оздан хусусий аскарлари бўлган. Булар қуллар, ёлланган кишилар ва деҳқон ёшлиридан иборат бўлиб, „шакар“, ёки „чокар“ исми блан юритилганлар. Бу майда ҳукмдорлар ўртасида, бир-бировини талаш, ўлжалар олиш мақсадида тўхтовсиз урушлар дадом этиб турган.

Қисқа қилиб айтганда, Урта Осиё араблар забтидан олдин, забт этиш учун сиёсий жиҳатдан жуда ҳам қулай бир ҳолда бўлган. Бу тарқоқлик, айниқса майда ҳукмдорлар ўртасида бўлиб турган узлуксиз ўзаро иизо'лар, араблар ҳужумига қарши курашда, кучни бирлаштиришга имкон бермас эди.

*

VIII асрда Арабистонда майдонга келган янги бир давлат, ислом динини қурол қилиб чиқиб, ўз чегарасини шарқ ва ғарбга қараб тезлик блан кенгайтирабошлади. Шу асрнинг биринчи ярмида, халифа Абубакр

(632—634) ва Умар (634—644) лар замонидаёқ, Византия, Сурия, Паластин ҳамда сосонийлар Эрони забт этилиб, катта араб халифалиги вужудга келади. III халифа — Усмон (644—656) замонида араблар Марв водиларигача келиб етадилар. Улар Марв шаҳрини 651-нчи йилда қўлга олган эдилар. Улар ўзларига тоби' бўлган ҳамма халқларни, айниқса забт этилган ерларнинг аҳолисини дин байроғи остида ваҳшнийларча таладилар.

Араблар 670-нчи йиллардан бошлаб Мовароуннаҳрга¹ ҳам ҳужум қилдилар. Уларнинг VII асрда бу ўлкага қилган ҳужумлари аҳолини талаш, кўп ўлжа ва асиirlар олиб кетиш ҳамда бу ернинг географик шароитлари блан ошна бўлишдан иборат эди. Бу ери бутунлай забт этиш мақсади эса, фақат VIII асрнинг бошларида жиддий бир тусга кирди. Бу мақсадни амалга ошириш, Хуросон ҳукмдорлигига янгигина юборилган талантли араб саркардаси Кутайба ибни Муслимга юкландган эди.

Хуросон ва Ўрта Осиёни забт этиш учун юборилган аскарлар, турли араб қабилаларидан тўпланган кишилардан ва забт этилган ерлардан аскарликка олинган асиirlардан иборат эди. Забт этилган ерлардан олинган аскарлар, маволи (қўл хизматчи) исми блан юритилган. 714—715-нчи йилларда, Эрондаги 47 минг араб аскарларининг 7 минги эронилилардан иборат эди.

Кутайба 10 йил ичидаги (704—715) Ўрта Осиёнинг жанубий томонларида Марв ва Хоразмдан бошлаб, шимолда Шош (Тошкент) ва Фарғона вилоятларигача забт қилди. Майда-майда давлатларга бўлинган Ўрта Осиёни қўлга киритиш учун, қулай заминлар бўлишига қарамай, Кутайба Ўрта Осиё маҳаллий халқининг жуда қаттиқ қаршилигига дуч келди. Тарихий манба'ларнинг берган малумотларига кўра, Хоразмдан бошқа ерларда, Ўрта Осиёнинг Кутайба ҳужумига қарши ўз аҳолиси томонидан ҳимоя этилмаган биронта жойи бўлмаган.

Ўрта Осиёнинг бир-бировларига қарши мустақил ҳукмдорларидан бири бўлган Хоразм вилоятининг ҳукмдори Чифоннинг укаси Ҳурдзод ўз акасига қарши бош

¹ Мовароуннаҳр — арабча сўз бўлиб, дар'енинг нариги томони демакдир. Ўрта Осиёнинг Амудар'ёдан Сирдар'ёгача бўлган қисми Мовароуннаҳр деб аталган.

кўтаради ва Хоразмнинг ғарбий томонларини қўлга киритади. У акасини кучли хавф остига туширди ва ғоятда тинчсизлантириди. Чифон укаси Хурдзоднинг бу ҳаракатига қарши ҳечқандай чора кўраолмади. У, ўз душманини аскарий куч блан бартараф қилишга ҳам ўзини ожиз санади. Шунинг учун у, эндигина Хурсондан Суғд вилоятига юриш қилишга ҳозирлик кўраётган Қутайбага хат ёзиб, уни Хоразмга таклиф қилади. Қутайба Хурдзодни ўлдирса, ёки қўлга тушириб берса, унинг ҳарқандай ҳукмини ижро қилиш ва бутунлай унга итоат этиш шартини гарданига олади. Бу нарса, шубҳасиз, Қутайбанинг табиий тилакларидан эди. У, Хоразмга юришни билдирумаслик учун, Чифон элчиси орқали, ўзининг Суғдга сафар қилиши ҳақида хабар тарқатади. Натижада Хоразмда, „Қутайба Суғдга юриш бошлапти“, — деган хабар тарқалгандан сўнг, у ерда мудофаага ҳечқандай тайёргарлик кўрилмайди. Баҳор келиши бланоқ, Хоразмнинг шарқ-жанубий томонидаги энг эски шаҳри бўлмиш Ҳазораспни Қутайбанинг аскарлари ишғол этгани ҳақида хабар тарқалади ва Хоразм аҳолиси ўз ватанига бостириб кирган арабларга қарши тездан қурол кўтариб, Чифоннинг ҳузурига борадилар. Тинч аҳолининг устига араб аскарларини чақиририб келтирган Чифон, халқнинг бу ҳаракатидан шошиб қолиб, мамлакат мудофаасини Хурдзод устига юклайди ва йиғлаб борган аҳолини унинг ҳузурига юборади. Бутун халқ ёрдамга келиб турса-да, Хурдзод ҳам мудофаага жиддий киришмайди. Мамлакат ҳукмдорлари ўз тинчликларини кўзлаб ва ички душманлари устидан зафар қозониш учун, ўзларини араблар қучоғига отган бир пайтда ҳам, аҳолининг ташқи душман ҳужумига қарши мамлакатни бор кучи бтани мудофаа қилишга тайёр турганлиги бу воқиадан очиқ кўринади. Лекин, бу курашни уюштиручи бир ташкилот бўлмаганидан кейин, аҳолининг бутун ҳаракати оқибатсиз қолиши аниқ эди.

Қутайба Мовароуннаҳрга биринчи ҳужум қидишидаёқ, Пайкандаҳолисини г қагтиқ қаршилигига учради. Қутайба аскарларининг Жайҳун (Амудар'ё) дан ўтганлари ҳақидаги хабар тарқалиши блан, Пайканда аҳолиси атроф-теваракда яшовчи халққа мурожаат қилиб, уларни араблар ҳужумига қарши курашга чақирадилар. Булар араб аскарларининг йўлини тўсиб олиб, бирқан-

ча вақт уларни шаҳарга яқинлашишга қўймадилар. Мунтазам ҳарбий кучга эга бўлган араблар, ҳарбий тайёргарлиги бўлмаган мудофаачиларни икки ойлик қаттиқ уруш натижасидагина енгаоладилар. Лекин мудофаачилар ўз курашини тамомила тўхтатмайди. Араб аскарларининг асосий қисми шаҳардан узоқлашуви блан, улар Қутайба томонидан шаҳарда қолдирилган гарнизонга ҳужум қилиб, кўпчилик аскарларини ўлдирадилар, қолганларининг қулоқ-бурунларини кесиб, шаҳардан ҳайдаб чиқарадилар. Бу нарса Қутайбани Пайкандга иккинчи марта юриш қилишга мажбур этади. Бу сафар ҳам шаҳар мудофаачилари Қутайбанинг йўлида жуда катта қийинчиликлар туғдирадилар. Улар араблар блан бир ой уришиб, шаҳарни қўлдан бермайдилар. Халқнинг бунчалик катта қаршилик кўрсатиши натижасида шаҳарни ўқ кучи блан ололмаган араблар жуда кўп ёқилғилар йифиб, шаҳар атрофига ўт қўйдилар. Шаҳар халқининг чиқиб уришуви учун жуда ҳам оғир қийинчиликлар туғилганидан кейингина, шаҳар иккинчи марта забт этилди. Пайканд аҳолисининг арабларга қарши гоятда қаттиқ курашганлиги „Тарихи Табарий“ да келтирилган мана шундай бир фактдан ҳам равshan кўринади: Пайканднинг арабларга асир тушган давлатманд аҳолисидан бири (бу кишининг бир кўзи кўр бўлган), ҳарбири минг дирҳам турадиган эллик минг ипак тўн бериб, Қутайбанинг қўлидан қутилмоқчи бўлади.¹ Лекин, асосан молу-дун'ё олиш учун юрган арабларнинг, шунча молу-маблағга ҳам э'тибор бермай, бу хавфли асирни ўлдиришга ҳукм қилишлари эса, маҳалий халқнинг ўз ватанини мудофаа қилиб, қанчалик қаттиқ курашганлигини ва ташқи душманга кучли зарбалар берганлигини очиқ билдиради.

Бухоронинг забт қилинишига доир әпизодлар ҳам, араблар ҳужумига қарши Бухоро халқининг марҳаматсиз курашганлигини кўрсатади. 89 (708)-инчи йилда, Амудар'ёнинг шимолий соҳиллари араблар қўлига ўтгандан кейин, Қутайба Бухоро устига юриш қиласиди. Лекин, бухоролиларнинг кучли қаршилик кўрсатиши

¹ Пайканд араблар забтидан олдин, катта савдо марказларидан бири эди ва унинг кўпчилик халқи савдогарлардан иборат бўлган. Шунинг учун, тарихий манба'ларда бу шаҳар „шаҳр руйин“ („Савдогарлар шаҳри“) деб аталади.

натижасида, у шаҳарни ололмай Марвга қайтади. Бу воқиадан хабардор бўлган араб халифалигининг Эрондаги волиси (наместник) Ҳажжож, бу сафар Бухорони забт этиш йўллағини бевосита ўзи кўғсатаб-шлайди. У, Кутайба орқали Бухоро планини олдириб, у блан танишиб чиққандан кейин, бу ажойиб шаҳарни забт этиш зарурлигини кўрсатиб, Кутайбага хат ёзади ва бунинг тартибларини ўргатади. Мана шундан сўнг, Кутайба яна Бухорога юради. Бу сафар у аввалгидан ҳам кучлироқ қаршиликка дучор бўлади. Бухоро ҳалқининг араблар ҳужумига кўрсатган қаршилиги шударажада қаттиқ бўлганки, ҳатто араб қўшинининг катта қисмларининг ҳам ҳаракатини сусайтириб юборган ва уларда олдинга силжишга жур'ат қолмаган. Тарихий манба'ларда баён этилган мана бу воқиа юқоридаги фикримизни тасдиқ этади: Ҳажжожнинг йўл-йўригини олиб, Кутайбанинг бошчилиги остида Бухорони забт этиш учун иккинчи марта юриш қилган араб аскарлари Бухоро атрофида маҳаллий ҳалқ блан тўқинишадилар. Бухоролилар ғолиб келиб, араб аскарларининг қароргоҳини босиб оладилар. Бундан сўнг Кутайба ҳарбий қисмларига мурожаат қилиб: „Туркларни бу ердан қайсингиз қувасиз?“ деб савол қиласди. Бу ердаги араб аскарий қисмларидан ҳечбери жавоб бермайди. Уз аскарлагининг тушкин руҳда эканлигини сезган Кутайба, мажбурий суратда ҳужум қилишга фармон бериб, олиниадиган ўлжа — моллардан аскарларга тегадиган ҳиссадан ташқари, ери ҳалқнинг бошини олиб келган арабларга ҳарбир бош учун юз дирҳамдан¹ пул ва'да қиласди. Кутайба, ўз ватанини мудофаа қилиш учун қаҳрамонона курашган маҳаллий аҳоли устига аскарларини мана шундай усуllар блангина юборишга муваффақ бўлади.

Ўзбекистон ҳалқларининг арабларга қарши ҳаракати шу даражада кўтарилиган әдики, улар танларида бир томчи қон қолгунча истилочилар блан курашишга интилдилар. Улар, ҳатто муҳосарачилар ҳужумига қарши кўтарилиган ҳалқ ҳаракатини тұхтатиб, оғир шартларни „устига“ олиб, улар блан сулҳ қилучи маҳаллий ҳукмдорларга ҳам қарши курашдилар. Бунда биз тарихий манба'лардан яна бир воқиани келтирамиз: Кутайба

¹ Дирҳам — 20-25 тийинга баробар.

Кеш (Шаҳрисабз) ва Нахшабни (ҳозирги Қарши шаҳри яқинида) иккинчи марта уришиб олгандан кейин, 90 (708—709)-нчи йилда ўз укаси Абдураҳмонни Суғд ҳокими Тағхунга қарши юбогади. Кекса ҳукмдор Тархун эса, Абдураҳмон блан ярашиб, икки орда бўлган битимга кўра, унга кўп нарсалар беради. Абдураҳмон Қутайба блан ўзининг доимий штаби бўлган Марвга қайтганидан кейин Суғд аҳолиси йигилиб, Тархунни сулҳ қилганлиги учун исти'фо беришга мажбур этади ва ўрнига Ғўрак (710—737) исмли бошқа бирорни ҳукмдор қилиб кўтаради. Мана бу воқна ҳақида Табарий бундай деб ёзади: „Қутайба, укаси Абдураҳмонни Тархун ҳузурига юборади. У, Суғд ҳокими блан сулҳ қилиб, ундан мол олиб, яна Қутайба ҳузурига борди ва бу ердан Марвга келдилар. Сўнг, Суғд ҳалқи чиқиб, Тархунга: Сен хўрликка тушганлигинг ва ожиз бўлганлигинг учун сулҳ қилиб, хурсанд бўлдинг. Аммо сен кекса одамсан, сейнинг биз учун ҳожатинг йўқ,— деди. Тархун: бўлмаса менинг ўрнимга бошқа бирорни кўтариинглар,— деди. Сўнг Ғўрак исмли бир ҳокимни ҳукмдор қилиб қўйдилар“.

Ғўрак 20 минг аскар блан Суғд вилоятининг марказий шаҳри бўлган Самарқандда туриб, шаҳарни араблардан мудофаа қилди. Ўзининг табиий ва иқтисодий бойлиги, маданий ва сиёсий устунилиги, гўзал табиатли юмшоқ ҳавоси блан донги кетган Суғд вилояти, айниқса унинг бош шаҳри Самарқанд, шубҳасиз, араб босқинчиларининг ҳам диққатини ўзига тортган эди. Шунинг учун ҳам улар бу ерини забт этишга янги куч блан киришдилар. Самарқанд ҳалқининг арабларга қарши ҳаракати, уларнинг арабларга нисбатан қилган мардона муомалаларидан ҳам равшан кўринади. Араблар забтини мукаммал ёзиб ўтган Табарий, уларнинг муомаласини бундай деб баён қиласди:

„Бир кун булардан (шаҳар ҳалқидан) бир тўдаси шаҳар девори бурчига келиб, арабларга қараб: Ҳой итлар, нега биз блан уришасизлар? Ўзларингизни ранжитасизлар? Бундан (урушдан) қўрқинглар. Бу қўрғонни, оти „Қўм“ (туя тўқими) бўлган кишидан бошқа ҳечбир киши ололмаслигини биз китобларда ўқиганмиз,— деб овоз қилдилар“.

Самарқанд ҳалқининг арабларга қарши курашда катта қаҳрамонлик кўрсатганини яқзол кўрсатучи яна

шундай бир эпизодни келтирамиз: Араблар Самарқанд ҳалқи блан узоқ курашгандан сўнг, манжаниқ (шаҳар деворларини бузучи бир ҳарбий асбоб) блан шаҳар деворининг бир ерини бузадилар. Деворнинг бузилган еридан араблар шаҳарга кирмасин учун, Суғд курашучиларидан бири деворнинг бузилган жойига келиб, арабларга қарши ўқ узабошлайди. Мардларча курашаттган бу паҳлавоннинг жасурлиги Қутайбанинг ғазаб томирларини қўзғатади. Бу қаҳрамонни тириклайн қўлга тушуриш қийин бўлгани учун, уни отиб ўлдириш қасдига тушади. Шунинг учун отучи (мерган) аскарларига: Сиздан кимки шу одамни отиб ўлдирса, ўн минг дирҳам (2.500 сўм олтин) бераман, деб ва’да қиласди ва бу нарса ижро қилинади.

Араблар, Зарафшон дар’ёсининг бошларида (ҳозирги Тожикистон териториясида) ҳам қаттиқ қаршиликларга дуч келадилар. Панжакент вилоятининг ҳукмдори Девастич воқиаси бунга очиқ мисол бўлаолади. 722-чи йилда бутун Панжакент аҳолиси Девастич раҳбарлиги остида арабларга қарши қўзғалади. Бу ҳаракатни бостириш учун шу йилнинг кўкламида Бухоро ва Самарқанддан олинган аскарлар блан, араб лашкарбошиси Сулаймон ибн Абусорий боради. Панжакент аҳолиси араб аскарлари блан ғоят қаттиқ уруш қиласди. Лекин араблар кучлари жуда ортиқ бўлгани учунгина бу ҳаракатни бостиришга муваффақ бўлдилар. Ҳаракат бо силгандан кейин араблар курашучилардан ўч олабошлидилар. Девастич, шу даврда Суғд ихшиди бўлган Фўракнинг ёрдами блан, Фарғонага (Хўжанлга) араблардан қочиб кетган сугдлилар устига юриш қилиб келаётган қўмондон Сайид-ал-Харроший ихтиёрига юборилади. У, дастлаб Девастични ўзига эргаштириб олиб юрган бўлса ҳам, Кеш ва Арабинжонни олгандан кейин, уни ваҳшийларча ўлдириб, бошини Ироққа — Умар ибни Хубайрага, чап қўлини Сулаймон ибн Абусорийга юборади. Девастич жасадининг ваҳшийларча парчаланиб, ҳарбир парчасининг узоқ-узоқ мамлакатларга юборилиши унинг арабларга қарши қанчалик қаттиқ курашганини кўрсатади.

Араблар забтидан олдин ҳам Суғд вилоятида замоннинг қаҳрамонларини ҳурмат қилиш, уларни юқори даражаларга кўтариш учун шароит ҳозирланган эди. Шунинг учун ҳам, улар жамиятда каттагина бир

мавқи' тутар әди. Бу нарса, тубандаги воқиадан равшан бўлиб туради: Ҳар йили Самарқандда, махсус бир ерда, бир курси қўйилиб, унинг устига ҳархил totли таомлар ва шароблар қўйилар әди. Булар, Суғд вилоятининг энг ботир йигитларига аталган бўлар әди. Бу курсига келиб теккан одам Суғд аскарларини урушга чақирган бўлиб ҳисобланар әди. Бу урушда ғолиб бўлиб чиққан киши, янги бир қаҳрамон чиққунча, шу ўлканинг рекордчи қаҳрамони бўлиб қолар әди. Демак, Ўрта Осиёда арабларга ҳаммадан илгари, мана шундай ватанпарвар қаҳрамонлар блан урушишга тўғри келган әди.

Араб истилочилари, бошқа ерлардан кўра Ўрта Осиёда қаттироқ қаршиликка учрадилар. Маҳаллий меҳнаткашлар араб истилосидан илгари оғир ҳаёт кечириб келган бўлишига қарамай, истилочилар зулмининг чексиз оғирлигини тушуниб, уларга ғазаб ва нафрат кўзи блан қарадилар. Мол-мулкларини болачақаларини, ватанларини хароб бўлишдан сақлаб қолиш учун, улар мунтазам аскар кучи блан ҳужум қилган душманга қарши охиригача кескин мудофаа курашларини олиб боришга интилдилар.

Лекин бир томондан, бу ернинг кўп мустақил ҳукмдорлари ўзларининг ички душманларига ғолиб келиш учун, ҳалқ ҳаракатини бўғиб, хавфли ташқи душманни мамлакатга ўзлари чақирдилар. Ҳатто, босқинчи душманнинг қўли баланд келиши учун, маҳаллий ҳукмдорлар аскар тайёрлаб берганлар, истилочиларни талаб этган керакли нарсалари блан та'мин қилганлар, умуман душман ғалабаси учун замин ҳозирлаганлар. Иккинчи томондан, Ўрта Осиёning кўп ҳукмдорлари қаҳрамонларча урушаётган маҳаллий мудофаачиларга хоинлик қилиб, арабларга оғир контрибуциялар беришни чексиз қийналган ҳалқ гарданига қўйиб, ўз ҳукмроиликларини сақлаб қолишга муваффақ бўлдилар. Бу ерда шуни ҳам айтиб ўтиш керакки, маҳаллий аристократия арабларга нисбатан турлича сиёsat тутади — гоҳ у, истилочилар блан иттифоқ тузади, гоҳ улар блан қаттиқ кураш олиб боради. Суғд ихшиди Ғўрак бунинг яққол мисоли бўлаолади. Аммо, араблар ҳужумининг бутун оғирликлари, мамлакатнинг камбағал-қашшоқ оммаси устига тушади.

Ерли халқнинг араблар блан узлуксиз ва кескин кураши бундан кейин яна юз йиллар бўйи давом қилди. Маҳаллий халқ, бу ёрга зўрлик блан жойлашиб олган арабларни ўлдириб, Ўрта Осиёнинг забт этилган кўп шаҳарларини бирнечча мартаба улардан тозалайдилар. Маҳаллий халқнинг арабларга қарши бу курашида туркларнинг роли жуда катта бўлиб, Ўрта Осиё ҳукмдорлари арабларга қарши ҳарбир курашида турк ҳонларига мурожаат қиласидилар. Юқорида айтганимиздек, иккига бўлинган турк давлатининг шарқий қисми 711-нчи йилда ғағбий турк давлатини ўзига қаратади. Бир йилдан сўнг — 712-нчи йилда — Қутайба Марвга қайтгандан кейин, арабларга қарши қўзгалган Суғд аҳолиси туркларни ёрдамга чақиради. Турк ҳоқони Мачжо набиралари қўл остида юборилган турк отрядининг ёрдами блан суғдиллар ўз вилоятини араблардан тозалайди. 712—713-нчи йилларда араблар қўлида биргина Самарқанд қолади.

Бу давр ҳақида гапирганимизда, Ўрта Осиё блан Хитой орасидаги муносабатлар ҳақида гапирмай ўтолмаймиз. VII асрнинг охирги йилларидан бошлабоқ, Хитой феодаллари Хитой — Ўрта Осиё савдо йўлининг кўп қисмida ҳукмрон бўлабошлайдилар. VIII асрнинг биринчи чорагида Ўрта Осиё ҳукмдорларининг арабларга қарши курашида Хитой феодаллари бевосита иштирок этади. Жумладан, Хитой 715-нчи йилда Фарона ҳукуматига ҳукмдор белгилашга муваффақ бўлади. Самарқанд, Бухоро ва бошқа сиёсий марказлардаги Ўрта Осиё ҳукмдорлари Хитой императори ҳузурига әлчи тўдаларини юборадилар. 720-нчи йилда Хитой императори маҳсус әлчилар орқали Ўрта Осиёнинг уч ҳукмдорига ўз ёрлигини юборади. Ўрта Осиёда арабларга қарши кураш айни қизгин бориб турган даврда Ўрта Осиё ҳукмдорларининг Хитой блан муносабатлари ривожланганлиги шуни кўрсатадики, бу ҳукмдорлар, Хитой империясидан ҳам катта ёрдам умид қилганлар.

Маҳаллий ҳукмдорларининг араблар блан курашишга ёрдам сўраб Хитой империясига мурожаат қилишлари, Суғд ихшиди Фўракнинг Хитой империясига ёзган мактубидан ҳам равshan кўриниб туради. Мактуб 718-нчи йилнинг охири ёки 719-нчи йилнинг бошида ёзилган. Унда, бундай дейилади: „Мана, 35 йил бўлдики,

биз 'араб босқинчилариға қарши курашамиз: ҳар йили биз уруш майдонида кўп миқдорда пиёда ва отлиқ аскарларни қурбон бериб келдик, лекин марҳаматли императорнинг бизга ёрдам учун аскар юбормоғидай шарафга мұяссар бўлмадик. Бундан олти йил муқаддам арабларнинг бош қўмондони Амир Қутайба кўп аскар блан бу ерга юриш қиласан эди. У биз блан уришди, биз ҳам душманимизга қаттиқ зарба бердик. Аммо бизнинг аскарларимиздан ҳам кўп киши ўлди ва ярадор бўлди. Арабларнинг пиёда ва отлиқ аскарлари ҳаддан ташқари кўп бўлганлиги орқасида, бизнинг кучимиз уларга тенг келолмагани сабабли, мен ўз қўрғонимга қайтдим. Шундан сўнг араблар шаҳарни забт этдилар. Улар шаҳар деворининг қаршисига 300 манжаниқ қўйиб, деворнинг уч ерини буздилар. Улар бизнинг шаҳаримиз ва подшоҳлигимизни хароб қилмоқчи бўлдилар. 'Мен эҳтиром блан сўрайманки, бундан хабардор бўлган шафқатли император бу қайгули ҳолатда менга ёрдам учун хитой аскаридан бир миқдорини юборсалар эди. Араблар фақат юз йил ичида гина қудратли бўлиши керак, бу муҳлат шу йилнинг ўзида тамом бўлади. Агар хитой аскарлари бу ерга келсалар, мен ва менинг қарамоғимдагилар, арабларни даф' қилишга муваффақ бўламиз".

Хитойдан ёрдам учун аскар юборилгани ҳақида ҳечқандай малумот йўқ. Лекин, арабларга қарши курашнинг ривожланиши натижасида, 728-нчи йилда араблар томонидан Ўрта Осиёнинг забт этилган асосий қисмидан фақат Самарқанд блан Даббусиягина уларнинг қўлида қолиб, бошқа ерларнинг ҳаммаси араблар қўлидан қайтариб олинган эди. Шарқ ва Фарбнинг кўп катта мамлакатларида ҳокимиятни қўлга олган араблар, бу воқиалардан сўнг, бу ерда ўз ҳукмронликларини катта хучлар блангина тиклашга муваффақ бўладилар. Ўрта Осиёнинг айрим шаҳар ва қишлоқлари араблар томонидан забт этилгандан сўнг ҳам, 3—4 асрлар давомида (Х — XI асрларгача), аҳолининг бир қисми ислом динини қабул этмай, араб ҳукмронлигига қарши келганлиги — тарихий ҳақиқатдир.

Биз араблар ҳужумига қарши ҳалқ курашининг биринки эпизодларинигина ёздик. Аммо ерли халқнинг уларга қарши кескин кураши бу эпизодлар блангина

чекланмайди. Ўрта Осиё халқларининг ватан учун фидокорона урушганликлари натижасида, араблар 704-чи йили жиддий ва систематик равишда забт қилишга киришгандан кейин ҳам, Ўрта Осиёning фақат жанубий районларини 10 йил деганда қўлга киритишга муваффақ бўлдилар. Шунда ҳам бу районлар бир ёқдан араблар томонидан забт этилса, иккинчи ёқдан уларнинг қўлларидан чиқабошлайди. Халқнинг бу қаҳрамонлиги натижасида, араблар Ўрта Осиёning ҳарбир жойини узоқ йиллар давомида бирнече марталаб забт этишга мажбур бўлганлар.

*

Араблар забт этган ерлардаги халқнинг аҳволи ғоят оғирлашди. Илгари аҳволи ночор бўлса ҳам, араб истилосидан бурун тинч яшаб келган маҳаллий халқ энди ташқи истилочилар томонидан ҳам таланабошлайди. Забт этилган шаҳар ва қишлоқларнинг кўпи харобага айланади, аҳолининг мол-мулки таланади. Мамлакатнинг экинзорлари босқинчилар оёғи остида поймол бўлади. Тинч аҳоли — гуноҳсиз хотин-қизлар ва ёш болалар қирилади. Сон-саноқсиз кишилир қул қилинади.

Юқорида айтганимиздек, Ўрта Осиёning ҳамма ҳукмдорлари тезда араблар блан яқинлашиб, фақат тоҷ-тахтни ўз қўлида сақлаб қолиш учун, улар юклаган жуда оғир шартларни, ўз „устларига“ олабошлайдилар. Қутайба блан Бухоро ҳукмдори Бухорхудот ўртасида бўлган битим бунга яхши мисол бўлаолади. Бу битимга кўра, халифага Бухородан ҳар йили 200 минг дирҳам, Ҳурросон амирлигига 10 минг дирҳам пул берилиши лозим эди. Бухоро аҳолиси уйларини ва экин ерларининг яримини арабларга беришга, шаҳар атрофларида яшовчи аҳоли эса, арабларнинг отларини ем-хашак блан та'минлаб туришга, уларга ўтин ҳозирлаб беришга, умуман кўчиб келиб, шаҳар ва қишлоқлардаги аҳолининг уйларига зўрлик блан кириб олган араб ҳарбий аристократлари ва ислом тарғиботчилари учун лозим бўлган ҳамма нарсани топиб бериб туришга мажбур қилинади. Ўрта Осиёning иккинчи бир катта шаҳри бўлган Самарқандда эса, босқинчиларнинг

зулми бундан ҳам қаттиқ бўлганини кўрамиз. Суғд ҳокими Ғўрак томонидан араб қўмондонлари шарафига берилган катта бир зиёфатда, Қутайба блан Ғўрак ўртасида шартнома тузилади. Бу шартномада кўрсатилишича, Қутайба Самарқанд подшоҳлигини, унинг атрофидаги Кеш, Нахшаб ва бошқа рустоқлари блан бирга Ғўракка бериб, унинг муҳрини ҳам ўзига қолдиради. Ундан сўнг, унинг ўрнига болаларининг ҳукмдорлик қилиши такидланади. Бунинг бадалига Ғўрак арабларга ҳар йили 10.000 динор¹ пул ва шу йили 3.000 қул бериши лозим эди (бу қуллар ўрта ёшда бўлиб, ораларида қари кишилар ва ёш болалар бўлмаслиги керак эди).

Араблар Самарқандда ҳам маҳаллий аҳолининг уйжойини зўрлик блан тортиб оладилар. Арабларнинг биргина Қурайш қабиласидан Самарқандда беш минг киши ўрнаштирилган. Араблар қирғинидан қутилиб қолган аҳолининг бир қисми ўз ватанидан мажбурий равишда шимолий вилоятларга қувилади. Юқорида айтганимиздек, араблар забт этган ерлардан улар олган беҳисоб қулларнинг аҳволи ғоятда ёмон бўлган. Араб эксплоататорлари уларни энг оғир ишларга солгандар.

Араблар, истило қилинган бошқа мамлакатлардаги сингари, Ўрта Осиёда ҳам, ислом динини тарқатиш учун кўп чоралар изладилар. Маҳаллий халқнинг бу динни тарқатишга қаттиқ қаршилик кўрсатишига қарамай, уни мажбурий равишида ўтказишга, бу уруниш ғалаба қозонмагандан сўнг эса, бу йўлда турли ҳийланайранглар ва тадбирлар ишлатишга мажбур бўладилар. Улар ўз ғалabalарини сақлаб қолиш, забт этилган ерлардаги аҳолини қулликда тутиш, уни бутунлай бўйсуниб, араблар манфаати йўлида ишлайдиган бўлишини таъминлайдиган ислом динини ўрнатиш учун турли-туман сиёсаллар юргизадилар. Бошлаб, улар илгари Ўрта Осиёда ҳукм сурған будда, зардўшт динларига тоби' бўлган ибодатхоналарни бузиб, ўрнига масжидлар, катта шаҳарларда жоми'лар бино қиласидилар. Бу ерга маҳсус юборилган воизлар масжидларда кенг ташвиқот ишларини олиб борадилар. Муҳосирачиларга қаттиқ нафрат кўзи блан қараган ерли

¹ Динор—беш сўмлик олтинга баробар.

халққа ислом динини бу усул блан қабул қилдириш ҳам қийин бўлганидан кейин, халқнинг иқтисодий жиҳатдан кийналғанлигидан, халқ хўжалигининг бутунлай емирилғанлигидан, аҳоли орасида оч-яланғочларнинг ҳалок бўлиш ҳоллари кўпайгаилигидан фойдаланишга тиришилар. Шунинг учун улар, ҳаммадан аввал, мусулмон бўлганларни халқ устига тушадиган кўп оғир солиқларнинг ба'зиларидан озод қиласлошладилар. Жум'a кунлари масжиди жоми'га намозга боргандарга икки дирҳамдан пул берадилар. Бутун оғирлик ислом динини қабул қилмаганлар устига тушади. Мана шундай бўлишига қарамай, узоқ вақтларгача халқнинг бир қисми арабларга қарши курашни сра сусайтирмади. Мусулмонликни қабул этган кишиларга бир қадар енгиллик беришлар фақат ислом динини ўрнатиш учунгина ишлатилган бир сиёсат эди ва бу нарса узоққа бормади. Тез вақт ичида бу сиёсат ўзгартирилди. Шундан кейин, ислом динини қабул этганлар ёрдам олиш у ёқда турсин, балки мусулмон бўлмаганлар қаторида араблар зулмидан чексиз эзилбошладилар. Бу нарса араб ҳукмдорларининг элдамчилик қиёфасини бутунлай очиб ташлади. Меҳнаткаш аҳолидан олинадиган солиқлар жуда ошиб кетди. Халқ аҳволи чидаб бўлмайдиган даражада оғирлашди. Бундан сўнг халқнинг уларга қарши зиддияти яна кучайди. Кураш кескинлашди. Ислом динини қабул этган аҳолининг бир қисми ислом динидан чиқиб, яна узоқ вақтларгача эски динида қолди.

ЎЗБЕКИСТОН ХАЛҚЛАРИНИНГ МЎҒУЛЛАР ҲУЖУМИГА ҚАРШИ КУРАШИ

XI—XII асрларда Ўрта Осиёning бош ҳукмронлиги, бу ерга шарқдан ҳужум қилган кўчманчилар — бошлиб қорахонийлар, сўнг қорахитойлар — қўлида эди. Қорахитойлар XII асрнинг 30-нчи йилларида Еттисувга бостириб кириб, орадан бирқанча йил ўтгандан кейин Ўрта Осиёning марказий вилоятлари бўлган Фарғона блан Мовароуннаҳрга ҳужум қиласлошадилар. XII асрнинг 40-нчи йилларида қорахитойлар блан бу ернинг ҳукмдорлари бўлган салжўқийлар ва қорахонийлар ўртасидаги кураш гоятда кескинлашган эди. 1141-нчи йилда Самарқанднинг шимол-шарқий томонидаги Қатван чў-

лида бўлган урушда қорахонийлар блан салжуқийлар иттифоқи мағлуб бўлади. Уша йилнинг ўзида, Моваруиннаҳр, руҳоний садрлар томонидан идора этилмоқда бўлган Бухорогача қорахитойлар қўл остига киради. Сўнгра улар Хоразмни ҳам ўзларига қаратадилар. Иккиси томондан, бу даврда иқтисодий ва жуғрофий жиҳатдан қулай шароитга эга бўлган Хоразм борган сари тарих саҳнасида кўринарли ўрин олабошлайди. У, тезда шарқнинг бутун Ўрта Осиёда ҳукмронлик қиласётган қорахитойлар блан, ҳатто Бағдод халифалари блан ҳам рақобат қиласиган йирик бир давлатига айланади.

Қорахитойларга тоби' бўлган Хоразм ҳукмдорлари қорахитойлар Ўрта Осиёда дастлаб ғалаба қиласабошланган даврдаёқ, шарқда катта бир давлат қуришга интиладилар. Хоразм вилоятининг 1156-нчи йилда вафот эттан ҳукмдори Отсиз бу соҳада биринчи қадамини ташлаган эди. Лекин бу идея асосан 1172—1200-нчи йиллар орасида ҳукмронлик қиласиган Текеш замонида эмалга оширилади. Текеш, XII асрнинг 96-нчи йилларигача жанубда Хурросон ва Эронни забт этиб, ҳатто аббосийлар халифалигининг қўшинларини енгиб, халифа олдига Бағдодда ўз исмига хутба ўқитдириш ва пул чиқариш талабини қўйган эди. Шимолда у, қипчоқлар блан курашиб, Сирдар'ё бўйларидағи Ҳинд, Сифноқ каби стратегия жиҳатидан ғоятда аҳамиятли бўлган пунктларни қўлида тутган эди. Текеш Моваруиннаҳрни қорахитойлар панжасидан қутқаришга, унинг ўзининг кенгайиб кетмоқда бўлган давлатига қўшиб олишга интилган. Бунинг учун у қорахитойлар блан кўп марталаб урушиб, ҳатто шу урушларининг бирида Бухорони олиб қўйган эди. Аммо Текеш қорахитойларга узул-кесил зарба беролмади. Бу зўр ғолибиятни унинг вафотидан сўнг отасининг таҳтини урушиб олган ўғли сulton Муҳаммад қўлга киритади.

Бу даврда Ўрта Осиёда жуда ҳам бой ва маданий шаҳар ҳисобланган Бухоро, мусулмон руҳонийларининг олий намояндлари Бурҳониддин хонадонидан чиққан садрлар ҳукмронлиги остида эди. Бу садрлар мерос тарикасида келган ранс унвони блан ҳам оталар эдилар. Бухоро ҳалқининг қорахитойлар ва ўз ҳукмдорлари — руҳонийлар томонидан ғоят қаттиқ эзилиши, шаҳар ҳунармандларининг чексиз таланиши, ҳалқни 1206—

1207-инчи йилда садрлар ҳуқмронлигига қарши қўзғолон кўтаришга мажбур этди. Қўзғолоңга қалқон соту чи ҳунарманд Малик Санжар раҳбарлик қиласиди. Санжар Бухорони қўлга олади ва эксплоататорларнинг ер-сувларини тортиб олиб, уларни шаҳардан ҳайдаб чиқаради. Уларнинг шаҳарда қолган моллари мусодара этилади. Бу воқиадан хабардор бўлган Хоразмшоҳ султон Муҳаммад, катта ҳарбий қувват блан бориб, қўзғолонни бостириди ва Бухоро ҳукуматини қайтадан садрларга олиб беради. Лекин Бухоро садрлари Хоразмшоҳга тоби' булиб қоладилар. Мовароуннаҳрининг ғарбий қисми бўлган Бухоронинг султон Муҳаммад қўлига ўтиб қолиши – унинг қорахитойлар блан урушишини тезлаштириди. Хоразмшоҳ, бошлаб қорахитойлар томонидан Самарқандни идора этмоқда бўлган Усмонни ўз томонига оғдиради. Мовароуннаҳрининг бош шаҳри бўлган Самарқандни Хоразмга қаттироқ боғлаб олиш учун у, Усмонга қизини беради. Самарқандга бирқанча хоразмлиларни юборади. Бундан сўнг, султон Муҳаммад тўғридан-тўғри қорахитой аскарлари блан урушишга ҳаракат қиласиди ва Еттисувда қорахитой қўшини урушиб енгади.

Хулоса қилиб айтганда, султон Муҳаммад даврида Хоразмшоҳлар давлати, Текеш давридагидан ҳам кенгайиб, шимолда Сирдар'ё бўйлари ва Орол кўлидан бошлаб, жанубда Эроннинг жанубий вилоятлари ва Ироққача, ғарбда Каспий денгизи соҳилларидан бошлаб, шарқда Қирғизистон чегараларигача ҷузилган эди.

Тараққиёт жиҳатидан юқори босқичда бўлган Хоразм давлати ўзининг шунчалик катталиги блан марказлашган бир давлат әмас эди. Бу давлат майда вассалликларга бўлингап ҳолда идора этиларди. Ҳатто Мовароуннаҳрининг ўзи ҳам бирнеча алоҳида-алоҳида вассалликлардан иборат бўлган. Текеш ҳам, султон Муҳаммаднинг ўзи ҳам мамлакатининг қипчоқ амирларидан бошқа, ҳечбир табақасига суюнмас, бўлак табакалар доим ҳукм оларга нисбатан оппозиция руҳида бўлар эдилар. Шу сабабдан Хоразмшоҳлар династияси мустаҳкам бўлмади ва у, тездан йиқитилди. Бу ерда шуни ҳам айтиб ўтиш керакки, ҳатто Хоразмшоҳларнинг ўз хонадони ичидан ҳам бирлик йўқ эди. Муҳаммад блан унинг онаси Туркан хотин ўртасида мудом интригалар давом қиласиди.

XIII асрнинг биринчи чорагида Ўрта Осиё ўзининг узоқ тарихида кўчманчиларнинг жуда қаттиқ ҳужумига дучор бўлади. Бутун шарқ мамлакатларини хароба-зорга айлантирган бу ҳужум — мўгуллар ҳужуми эди.

Ҳозирги Монгулия тушроғида XIII асрнинг дастлабки ўн йили ичидагина майдада қабилалардан ташкил топган мўгуллар империясининг ядроси, шу асрнинг иккинчи ўн йиллиги ичida ўз чегарасини ҳар томонга қараб кенгайтиради. Сибирь, Шарқий Туркистон ва Шимолий Хитой мўгуллар томонидан забт этилгандан сўнг, одамхўр Чингизхон гўзал табиатли Ўрта Осиёга қонли кўзларини тикади. Бу ернинг турли касб аҳллари бошига қонли қиличини кўтаради. Унинг заҳарли найзаси гуноҳсиз гўдаклар ва хотин-қизлар кўксига узатилади. Унинг қора кўнглига бу ернинг узоқ асрлар давомида гуллаб келган эски маданиятини бир марта тор-мор келтириш, мамлакатни зеру-забар қилиш нияти қат'ий ўрнашади.

1218-нчи йилларда, унинг блан султон Муҳаммад Хоразмшоҳ ўртасида „дипломатия муносабатлари“ майдонга келади. Ҳар икки томон бир-бировининг куч-куватини аниқлаш учун душманинг мамлакатига тўда-тўда әлчилар юборади. Чингизхон томонидан юборилган әлчилар ва карвонлар блан бирга келучи жосус савдогарларниң қора мақсадларига султон Муҳаммад яхшигина тушинган, шунинг учун ҳам улар Хоразмшоҳ томонидан қаттиқ тафтиш остига олинган, ҳатто жазоланган. Чингизхоннинг савдо муносабатлари блан, Ўрта Осиёнига Монгулияда юрган сотқин савдогарлари қўл остида бу ерга юборилган карвон ҳай'ати¹ Хоразмшоҳлар давлатининг тупроғига ўтиш блан катта савдо йўли устидаги Ўтрорда, султон Муҳаммаднинг фармони блан, шаҳар ҳокими томонидан тала-нади. Савдогарлар бошлаб қамоқقا олиниб, сўнг ўлдирилади. Ўрта Осиёни бугун, эрта забт қиласман деб турган Чингизхонга, бу воқиа катта бир баҳона бўлади ва унга иккинчи шундай бир баҳонани кутиб туриш учун эҳтиёж қолмайди. Мана шундан сўнг Чин-

¹ Карвон состави жула катта бўлиб, малумотларга қараганда 500 түя, 450 савдогардан ташкил топган. Моллар ҳам қимматбаҳо олтин-кумуш асбоблар, хитой илаги, ҳархил мата ва шу каби моллордан иборат бўлган.

тизхон ва унинг ўғиллари қўл остидаги 200 минг мў-
ғул отлиқлари Ўрта Осиё устига от қўядилар.

Мўғуллар уч йилгача (1219—1221 йиллар ичida)
Ўрта Осиё шаҳарларини кетма-кет забт қилабошлайди-
лар. Бошлаб Ўтрор, ундан сўнг Сирдар'ё бўйидаги
шаҳарлар, Бухоро, Самарқанд, Хоразм, Марв ва бош-
ка жойлар мўғуллар қўл остига киради. Бу шаҳарлар-
ниг кўпи, уларга ғоятда қаттиқ қаршилик кўрсатади.
Хоразмшоҳнинг ихтиёрида мўғулларнинг ваҳимаси
блан шуҳрат топган бу ҳужумига қарши курашаолар-
ли ва уларни тор-мор келтиришга қодир бир миқдор
аскар бўлса-да, у, мамлакатнинг мудофааси у ёқда тур-
син, тожу-тахтида ҳам воз кечишга мажбур бўлади.
Бунга сабаб, юқорида айтганимиздек, унинг ҳечқандай
халқ табақасига суюнмаслиги, ҳатто саройнинг бир-
бирларига қарши партияларга бўлинган бўлиши, шоҳ
блан аскарлари ўртасидаги келишмовчиликлар, — қисқа
қилиб айтганда, ҳукмронлигининг бу жиҳатдан заиф-
лиги эди.

Ўрта Осиё шаҳар ва қишлоқларининг тақдирни ки-
чик-кичик гарнizonлар блан аҳолининг ўз ихтиёрига
ташлаб қўйилган эди. Шундай бўлса ҳам, бир-бири-
дан ажralган бу ерларнинг тарқоқ аҳолиси оз қувват
блан босқинчи мўғулларнинг ҳарбийлашган ва ўз за-
монининг олдинги ҳарбий техникаси блан бирмунча
қуролланган аскарларига қарши туриб, ўз ватанини ҳи-
моя этишга бел боғлади. Бир-икки аҳамиятсиз майда
пунктларни ә’тиборга олмагандан, Ўрта Осиёнинг ҳамма
шаҳарлари ҳам мўғуллар томонидан қаттиқ урушлар
блан забт этилади. Ташқи душман ҳужумининг оғирли-
гини, унинг халқ хўжалигини, маданий ҳаётини тор-
мор келтириши, миллионларча гуноҳсиз камбағал-қаш-
шоқ омманинг қонини бекорга тўкилиши, мамлакатни
харобаликка айлантиришига бошдан ҳам тушинган аҳо-
ли мўғуллар ҳужумига тиш-тироғи блан қарши тура-
ди, мўғулларнинг бир-икки шаҳарга ваҳшийларча
ҳужум қилганликларини кўргандан сўнг, халқ ўзининг
мудофаасини янада кучайтиради.

Ўрта Осиёнинг кўп шаҳарларида мудофаачилар мў-
ғуллар блан жуда қаҳрамонона равишда курашади.
Бунинг натижасида, яхши қуролланган мўғуллар Ўрта
Осиё шаҳарларининг баланд деворлари тагида 6—7
ойларгача кўп қурбонлар беришга мажбур бўлдилар.

Шаҳар қўргонларини ўраб олган чуқур хандақлар, уларнинг ўликлари блан тўлди.

Мудофаачилар блан мўғул босқинчилари ўртасидаги уруш эпизодларини кўздан кечирганимизда, ватан учун курашдаги қаҳрамонликнинг ажойиб намуналарини кўрамиз. 1218 йилнинг кузида Хоразмшоҳлар давлатининг шарқ-шимолий томонидаги чегара шаҳарларидан бири бўлган Ўтрор биринчи марта ўлароқ, мўғуллар ҳужумига учради. Чингизхон Ўтрорга келгандан кейин, аскарий кучини тўрт қисмга бўлади. Ўтрорни забт қилиш учун бирнеча туман (бир туман — ўн мингга баробар) аскар блан иккинчи ва учинчи ўғли Чиғатой блан Ўгдойни қолдиради. Катта ўғли Жўжи қўл остидаги бирнеча минг аскарни Сирдар'ёning этакларини забт этишга юборади. Сирдар'ёning бош томонига (Хўжандга) амирлар қўл остида аскар юборади. Ўзи кичик ўғли Тўли блан бирга Бухорони забт этгали юруш қиласди.

Ҳали айrim бўлакларга бўлинмаган мўғул аскарлари келиши блан, Ўтрор аҳолиси шаҳар дарвозаларини беркитади. Мўғуллар беш ой урушиб, шаҳарни оломмайдилар. Хоразмшоҳ томонидан шаҳарни мудофаа қилиш учун юборилган ўн минг отлиқ аскар ва унинг бошида турган Қорача Ҳожи ҳожиб хоинлик қилиб, шаҳарни таслим бўлган деб э'лон қилганидан кейин ҳам, ўз ватани учун курашаётган шаҳар аҳолиси ички қал'ага кириб, шаҳар ҳокими Файрхон блан бирга яна бир ой тўхтовсиз урушади. Ўтрор ҳалқининг баҳодирлиги шу даражада әдики, кураш шаҳар мудофаачиларидан сўниги бир одам қолгунча давом әтдиради. Шаҳар мудофаачилари ярим йил давомида ватан учун курашда жон олиб-жон беришгандан кейин, шаҳар аркида қолган Файрхон бутун аркни ўраб олган мўғуллар блан бир ўзи курашади. У, ҳатто қўлидаги қуролидан айрилганида ҳам урушни тўхтатмайди. Душманга таслим бўлишни томирида қони югуратуриб, ватан урушидан ўзини аяшни ўзига эп кўрмайди. У, тўрт томондан ўқ узуб турган мингларча мўғулларга ғишт парчалари ва кесаклар отиб, урушни давом әтдиради. Ҳатто Чингизхон ғолибиятини ва унинг аскарини мақташ блан чекланган ўша замон феодаль тарихчилари нинг диққатини жалб этган Файрхоннинг бу жасорати, шубҳасиз, қаҳрамонликнинг а'ло намунаси бўлиб хизмат қиласди.

Сирдар'ёнинг бошига ва оёғига юборилган мӯғул аскарий қисмлари ҳам шундай қаршиликларга учрайдилар. Сирдар'ёнинг оёғидаги шаҳарларни урушсиз таслим қилдириш учун Жўжи томонидан у ерларнинг халқини ташвиқот қилишга юборилган кишилар ерли аҳолининг қаттиқ ғазабига учрайдилар. Сифноқ халқига элчи бўлиб борган Ҳасан Ҳожининг аҳволи ҳақида, Рашидиддин мана бундай малумот беради: „Жўжи қадимдан бери Чингизхон хизматида бўлган Ҳасан Ҳожини у атрофнинг аҳолиларига насиҳат қилиш ва (мӯғулларга урушсиз) таслим бўлишга жалб қилиш учун элчи қилиб юборди. У ерда унинг насиҳатлари фойда бермайди, ишсиз—ярамас ва авбошлар ғавғо кўтариб, такбир айтиб, уни ўлдирилар ва ўзлари буни улуг савоб деб ўйладилар“. Бундан кўринадики, маҳаллий меҳнаткашлар дин ниқоби остида мӯғул босқинчилари га қарши курашиш бир ёқда турсин, балки ўрта аср шароитида, уларнинг ғалабаси учун дуога қўл кўтариб юручи ва мӯғул аскарларига йўл кўрсатучи хиёнаткор мусулмонларга ҳам қаттиқ ғазаб ва нафрат блан қараганлар. Сифноқ воқиасидан кейин Жанд аҳолисини урушсиз таслим бўлишга да'ват қилиш учун юборилган элчи Чинтемур Жанд аҳолисининг қаттиқ ҳужумидан қўрқиб, ёлғондан улар томонида туриб, босқинчи мӯғуллар блан курашишга, уларни шаҳарга киргиз маслика ва'да бериб, қочиб қутулади. Бу ҳақда Рашидиддин шундай малумот қолдирган: „Жанда Сарвар ва ҳокими мутлақ йўқ эди. Ҳар киши ҳушвақт ва ўз хоҳиши блан келиб бир сўз дер эди. Маслаҳат кўрар эди. Авом ғавғо кўтариб, Чинтемурга қасд қилдилар. У Сифноқ уруши ва Ҳусайн Ҳожи аҳволидан буларни хабардор қилиб, „бегона аскарни шаҳарга киргизмайман“, деб шарт bogлади. Маҳаллий халқ бу шартга хурсанд бўлиб, (Чинтемурга) зарар келтирмадилар. Чинтемур ногоҳ, булар олдидан Жўжи ҳузурига қочди“.

Ўз замонининг тархчиси томонидан баён қилинган бу факт, гарнizonи ва ҳукмдорлари қочиб кетган Жанд шаҳрининг тарқоқ аҳолисини ҳам, ўз ватанини мудофаа этиш учун қаттиқ курашиб, урушсиз таслим бўлиш учун ташвиқот қилучиларга нафрат кўзи блан қараганликларини кўрсатади. Мудофаа ҳақидаги сўзларга ишонадилар. Мана шундай қаҳрамонлик идеясининг намояндаси бўлган Жанд аҳолиси, қурол тутма-

тани ҳолда, мӯғулларнинг қуролли аскарларига қарши уришади.

Мӯғуллар блан Хўжанд ҳокими ўртасида бўлиб ўтган урушнинг эпизодлари яна қизиқроқ. Мӯғул аскарларидан катта бир қисми шаҳарни мудофаа қилишга тайёрланди. Лекин у, шаҳарнинг стратегия жиҳатидан яхши қурилганлигини э’тиборга олиб, тактик позиция тутиш йўли блан мӯғулларга зарба бермоқчи бўлган. Хўжанд ичидан ўтадиган Сирдар’ёning бир оролига мингтacha танланган аскар блан ўтиб, у ерни жуда ҳам мустаҳкамлайди. Колган аскарларици шаҳарнинг бошқа томонларини мудофаа қилишга қўяди. Бу орол, дар’ё қирғозидан анчагина узоқ бўлиб, мӯғул аскарларининг ўқлари унга етмас эди. Шунинг учун мӯғуллар ерли аҳолидан олинган асиirlарни, 20—25 километр масофадан (шиёда) тош келтириб, дар’ёга ташлашга мажбур этадилар. Шу йўл блан сувни боғлаб, оролга ўтмоқчи бўладилар. Лекин оролдаги қаҳрамон мудофаачилар маҳсус тайёрланган усти ёниқ, ҳатто ўқ-олов та’сир этаолмайдиган қайиқлар блан келиб, мӯғулларнинг ясаган қўприкларини бузиб ташлайберадилар. Улар бутун дар’ё қирғоқларини ўраб олган мӯғул аскарларига дар’ё ичидан туриб қаттиқ зарбалар берадилар. Натижада, мӯғулларнинг минглаб аскарлари бу қўрқмас ботирларни қўлга тушуришдан ожиз қоладилар. Малумки, ёрдамсиз колган дар’ё орасидаги жангчиларда бу курашни узоқ вақт давом этдириш имконияти йўқ эди. Уларнинг малум миқдорда олиб борган озиқ-овқатлари тамом бўлгандаи сўнг, душман қўлига асири бўлиб тушмаслик ва урушни давом этдириш чоралини кўрадилар. Булар 70 та кема ясад, шу кемалар блан дар’ёning оёғига қараб юрадилар. Булардан қаттиқ зарба еган душман, Темур Маликнинг кетидан қувишни тўхтатмайди. Аммо, йўлда ҳам қаттиқ зарбага учрайди. Темур Малик ҳечбир қулай фурсатни қўлдан бермай, дар’ё қирғоқларидан туриб урушиб бораётган душмани қиришга интилди. Қувиб бораётган мӯғул аскарларининг қораси куриниши блан, кемаларни дар’ё қирғозига буриб, уларни орқага чекинишга мажбур этар эди. Унинг қўлидаги камон ўқларининг ҳарбири, бир душман учун белгиланган бўлиб, ўқнинг хато кетишига ўрини йўқ эди. Бунгача, Сирдар’ёning

оёқ томонини ишғол этган мӯғуллар кемаларни тутиб олиш учун дар'ёнинг бирнеча ерларига занжирлар ташлаган бўлсаларда, уларнинг бу ғовлари қилич зарбига чидам бермади. Ниҳоят, Темур Маликнинг бу қаҳрамонлиги Сирдар'ёнинг оёқ томонига кетган Жўжини ҳам ҳаяжонга солди. У, дар'ё бўйларига кўп миқдорда аскар қўйиб, Темур Маликни Жанд шаҳрида тутиб олиш учун кемалардан кўприклар ясашга мажбур бўлади. Ниҳоят, дар'ё устига кўпприк ясалиб, унинг устига аскарлар ва оғир ҳарбий асбоблар ўринаштирилади. Лекин мӯғуллар Темур Маликка бу блан ҳам зарба беролмайдилар. Ўз қаршисидаги душманнинг нималар қилишини илгаридан билган Темур Малик, Жандга етмай туриб дар'ёдан чиқиб, Хоразм томонига юрабошлиди. Унга бирнеча куни давомида, қуруқда ҳам урушшиб, кўп мӯғулларни қиришга тўғри келди. Унинг кетидан қувиб борган мӯғулларнинг ҳаммаси деярлик ҳалокатга учради. Қаҳрамон Темур Малик эса, мингларча километр масофага чўзилган сув йўлини, сўнг қуруқликдаги қум саҳроларини қаттиқ урушлар блан кезиб, пойтахтга (Урганчга) етди. Темур Малик ҳаракати бу блангина тамом бўлмади. У, яна шимолга сафар қилиб, мӯғуллар қўлидан Жандни бир марта олишга муваффақ бўлган.

Урта Осиёнинг кекса, бой шаҳарларидан бўлган Самарқанд блан Бухоронинг ҳалқи ҳам мӯғул босқинчиларидан ўз ватанларини мудофаа қиласидилар. Лекин гарнizon бошлиқлари, ҳаммадан ҳам кўпроқ сотқин руҳонийларнинг хоинлик қилишлари натижасида, бу шаҳарлар жуда яхши беркитилгани ҳолда, душман қўлига тез ўтди. Юқорида айтганимиздек, Чингизхон Ўтрорда ўз кучини бўлиб юборгандан кейин, ўзи кичик ўғли Тўли блан аскарининг марказий қисми бошида туриб, Бухоро, сунг Самарқанд устига юруш қилди. 1220 йилнинг февраль ойида мӯғул аскарлари Бухоро қўрғонини ўраб олдилар. Шаҳарда 20 мингча аскардан иборат гарнizon бўлиб, урушнинг учинчи кунида булар ўз бошлиқларининг хоинлиги натижасида шаҳардан чиқиб, Амудар'ёга томон қочадилар. Лекин, аҳоли шаҳарни мудофаа қилишга яна қаттироқ киришиди. Мудофаа ишини барбод беришга урунган сурбет уламолар, хўжа ва сайидлар яна бир кунлик урушдан сўнг тонг отар вақтида, мудофаачиларга билдиrmай,

шаҳар дарвозаларини мӯғул аскарига очиб бериб, йиртқич Чингизхоннинг яланғоч қиличи шаҳар меҳнаткашлари бошига баландроқ кўтарилишига ёрдам берадилар. Лекин, ўз ватани учун курашда, ёппасига Чингизхон қирғинига учраган аҳоли қаторидан шуларгина қутилиб қолган бўлсалар ҳам, шаҳар мудофаасига хоинлик қилган бу сотқинлар мӯғул отларининг туёқларини ялашга мажбур бўладилар. Рашидиддин, Бухоро забтини ёзиб, руҳонийларнинг хоинлигидан кейин мӯғулларнинг шаҳарда қилган безориликларини мана бу тарзда тасвирлайди: „...Мӯғуллар шаҳар омборларини очиб, ғаллаларини чиқардилар, китоб тутадиган сандиқларни отларига охур қилдилар. Шароб тўлималарини масжидга тўплаб, шаҳарнинг созанда ва хонандаларини бу ерга йиғдилар ва баланд овоз блан ўйин-кулги қилдилар. Мӯғуллар ўз тилларида ашула айтдилар. Хўжалар, уламолар ва машойихлар (шайхлар) отбоқарлар ўрнида, отхоналарда отларни муҳофиза қилиб, уларнинг ҳукмини ижро қилдилар“.

Бутун аҳоли томонидан яхшигина мудофаа қилингани ҳолда, шаҳар гарнizonи ва руҳонийларнинг хоинлиги натижасида Бухоро шаҳри мӯғуллар қўлига тезда ўтган бўлса ҳам, Бухоро арки тўрт юз отлиқ аскар ёрдами блан яна 12 кун мӯғулларга қарши урушиб, шаҳарнинг юраги қўлдан берилмади.

Урта Осиё шаҳарлари ичидаги мӯғул босқинчиларини кўпроқ ўйлантирган шаҳар — Самарқанд эди. Мовароуннаҳрининг бош шаҳри бўлган Самарқанд, ҳали мӯғуллар Урта Осиё тупроғига қадам қўймаслариданоқ, мудофаага ҳозирланабошлаган эди. Шаҳар мудофаасини кучайтиришда, я'ни янги истеҳкомлар, деворлар бино қилишда керак бўладиган бутуни нарсани топишини Самарқанд вилоятининг халқи ўз устига олган эди. Бу, шундай бир факт блан ҳам тасдиқ этилади: сulton Муҳаммад Хоразмшоҳ шаҳарни мӯғуллар ҳужумидан сақлаш учун шаҳарни атрофлари блан ўраб оладиган 12 фарсах (70—80 километрлик) бир девор бино қилмоқчи бўлиб, бунинг учун халқдан уч йиллик солиқни бир йилда батамом йиғиб олади. Лекин у, девор бино қилдириш у ёқда турсин, биронта истеҳком ҳам бино қilmайди. Аҳолининг ўз ватанини ҳимоя қилиш учун оғир меҳнатлар блан топиб берган пулларини олиб, ўз бoshинигина сақлаб қолишга интилди. Мудофаачилар ру-

ҳини шунчалик туширадиган ноинсофлик олдида ҳам, аҳоли, Мовароунахрниң қалбини харобликлардан омон сақлаб қолиш йўлида бор кучи блан курашди. Шаҳарнинг девор, дарвозаларини қаттиқ беркитдилар. Деворларнинг мустаҳкамланиши учун, тегига ёрдамчи деворлар бино қилдилар. Қўргон атрофидаги кенг ва чуқур хандакни сув блан тўлдирдилар. Шаҳарда, аҳолидан бошқа мўғулларга қарши қуролланган 60 мингдан ошироқ аскар ва 20 бош фил бор эди. Девор, дарвозаларга ҳушёр соқчилар, гарнizonлар тайин этилган эди. Қисқа қилиб айтганида, шаҳарнинг мудофаага ҳозирланиш овозаси кенг тарқалган. Бу нарса, Ўрта Осиёга юруш қилиб келгани мўғулларда ҳам ўз зафарларига шубҳалар туғдирган эди. Узоқ мамлакатларининг халқлари, шаҳарни забт этиш учун йиллар керак деб, ҳақиқатни сўзлар эдилар. Шунинг учун ҳам, Чингизхон Бухоро йўли устидаги Самарқандни қолдириб, олдин Бухорони забт этишга, я'ни Самарқандни бошқа аҳамиятли пунктлардан ажратиб ташлашга ҳаракат қилди.

Чингизхон 1220 йилнинг март ойида бутун аскарлари ва йўлдан олиниган асиirlари блан Самарқанд ташқарисига келиб, Кўк сарой исмли ерда ўз боргоҳини (лагерини) қуради. Ў, Бухородан Самарқандгача Зарафшоннинг икки томонидан юради, йўлда Сарипул блан Аббусия исмли ерлар унга қаршилик кўрсатади. Чингизхон, жуда катта кучи бўлсада, шаҳарга дарров ҳужум бошлайолмайди. Ў, шаҳар атрофида бирнечча кун юриб, уни қандай қилиб забт этиш кераклиги устида ўйлади. Чингизхоннинг Ўтрорни забт этиш учун қолдирилган ўғиллари -- Чифатой ва Ўгдой ўз аскарлари ва олган асиirlари блан келиб, Чингизхонга қўшиладилар. Демак, Самарқандни забт қилиш учун мўғуллар бутун аскарларини тўплайди. Лекин, улар шу қувваг блан ҳам шаҳарга ҳужум қилишдан қўрқадилар. Ўрта Осиёning бутун шаҳар ва қишлоқларида маҳаллил халқнинг қаҳрамонона курашини кўрган, унинг қаттиқ зарбаларига учраган босқинчилар, ғузлари блан олиб юрган ҳисобсиз асиirlарни ҳам сафга тортиб, ҳар ўн киши олдига бир мўғул аскари ва бир байроқ қўядилар. Ўзи кўп сонли бўлган мўғул қўшини, бу блан яна бирнечча марта ортиқ бўлиб кўринади. Чингизхон, гўё бу блан шаҳар мудофаачиларини қўрқитмоқчи бў-

лади. Ҳақиқатда эса, ўша асирларнинг ҳечбири бевосита урушда иштирок этмади. Шаҳар атрофи мўғул аскарлари томонидан бутунлай ўраб олингандан сўнг уч кун ўтгач Олборхон, Шайххон, Молонхон деган саркардалар ва бошқа саркардалар ўз аскарларини бошлаб мўғулларга қарши урушиш учун шаҳардан ташқариға чиқадилар. Бунда мўғуллар ҳам, мудофаачилар ҳам кўп талафотлар берадилар. Иккинчи куни ҳам, шаҳар ташқарисида қонли уруш давом қилиб турган бир пайтда, худди Бухородагидек, сотқин ва муттаҳам руҳонийлар шаҳардан чиқиб, Чингизхонга бош эгадилар. Бу воқиани кўрган одамлардан ўз қулоғи блан эшитган автор Рашидиддин, руҳонийларнинг мудофаачиларга хонилик қилганларини тубандагича тасвирлайди: „Иккинчи куни золим мўғуллар блан шаҳарлилар орасида яна уруш бўлди. Бу вақтда тусатдан қози ва шайхулислом бир гуруҳ уламолар блан Чингизхон хизматига чиқиб, унинг берган ва'даларидан хурсанд бўлиб, шаҳарга қайтдилар ва эртаси куни тонг вақтида намозгоҳ дарвозасини очиб бердилар. Мўгул аскарлари шаҳарга кириб, шу куни девор дарвозаларини ер блан яксон қилдилар. Лекин мудофаачиларнинг ҳаракати бу блан тамом бўлмайди. Шаҳарнинг қаҳрамон курашчиларидан минг киши, султон Муҳаммад Хоразмшоҳ томонидан бино қилинган масжиди жоми'га кириб олиб, курашни давом эттирди. Мўгуллар эса, пана жойдан туриб отилаётган ўқларга чидайолмай, мушак ёрдами блан масжидни ёндириб юборишга мажбур бўладилар, ва шу йўл блан мудофаачиларнинг зарбасидан қутиладилар. Бу ерда шуни айтиб утиш керакки, юз минглаб мўғул аскарига қарши кураштан мудофаачилар масжид ёндирилмаганда ҳам, у ерга кириб олиб талаба қозонишлари қийин эди. Лекин, бир томондан, хони руҳонийлар сотқинлик қилган пайтда, иккинчи томондан, ҳисобсиз мўғул аскарлари шаҳарни хароб қилиб, аҳолини юзлаб-юзлаб қиличдан ўtkазиб турган бир пайтда, буларнинг оз бўлишларига қарашга арзигудек жасурлик, намунали ватанпарварлик эпизодидир.

Ўрта Осиё шаҳарлари ичida Хоразмшоҳлар пойтахти бўлган Урганч (эски Урганч) шаҳри ҳаммадан кўра кўпроқ ҳам узоқроқ қаршилик кўрсатди. Бу даврда ўзининг ша'н-шавкати блан дун'ёга танилган Урганч

ва унинг области — Хоразм, сиёсий жиҳатдан устун бўлгани сабабли, босқинчилар бу ерга алоҳида э’тибор беришга мажбур эди. Чингизхон учун Хоразмни забт этиш ҳам буюк ва оғир бир вазифа эди. Шунинг учун ҳам у, Хоразмни забт этиш учун, бир томондан, Мовароуннаҳрдаги бирқанча амирлар қўл остидаги аскарларга, Чигатой блан Ўгдойга, иккинчи томондан, Сирдар'ё бўйларида Жўжининг кўпгина аскарларига Урганч томон бориш тўғрисида фармон беради. Тарихий манба’ларда баён қилинишича, Жўжи аскари келиб қўшилмасдан илгари Хоразмга юборилган мўғул қўмондоилари қўл остида юз мингдан ортироқ аскар бўлган. Малумки, султон Муҳаммад мўғуллар Мовароуннаҳрга ҳужум қилишларидан илгариёқ ўзининг салтанатидан воз кечган эди; шунинг учун мўғуллар Мовароуннаҳрда бўлган чоқларида Хоразмда тахт учун кураш ғоят қизиб кетган эди. Султон Муҳаммаднинг Жалолиддин деган ўғли ҳукуматни қўлга олиб, мўғуллар блан урушишга интилган бўлса ҳам, феодаль ҳукмронлиги шароитидаги ички қарама-қаршиликлар бу нарсага йўл бермади. Мамлакат кун сайин янгидан-янги территорияларни ишғол этиб келаётган ташқи душманнинг қаттиқ ҳужуми арафасида турган бир пайтда, ҳарбий аристократлар шу тарзда реакцион ҳаракат қилдилар. Уларнинг бу ҳаракати мамлакатни мудофаа қилишга жиддий киришган Жалолиддин блан юқорида номи зикр этилган Ҳўжанд ҳокими Темур Маликни Хурсонга кетишга мажбур этди. Мўғуллар ҳужуми вақтида Туркан хотиннинг яқин кишиларидан бўлган Хумортакин Хоразм тахтига кўтарилган эди. Пойтахтда сиёсий вазиятнинг шунчалик оғир бўлишига қарамай, шаҳар аҳолисининг жон-дил блан курашганлиги натижасида ўзини 7 ой ҳимоя қиласи.

Чигатой, Ўгдой ва Жўжи аскарлари келиб қўшилмасдан бурун, Урганчга яқинлашган мўғул аскарлари, шаҳар атрофига разведкалар юборадилар. Бора-бора шаҳарнинг ўзига ҳужум қиладилар ва бу ҳужумларда қаттиқ зарбаларга учраб, орқага чекинадилар. Чигатой ва Ўгдойнинг келиши блан, мудофаа чоралари яна жиддийлашади, мўғуллар ҳужуми эса яна кучлироқ бўлади. Шундан сўнг буларга ёрдамга Жўжи аскарларининг келиб қўшилиши, уруш ваҳимасини ошириб юборади. Чингизхоннинг уч ўғли ва энг яхши амирла-

ри кўл остидаги юз мингдан ортиқ танланган аскарлари, Урганчни ўраб олади. Ўз ваҳимаси блан ер ва кўкни титратган мўғул аскарлари, ҳар томондан дарвозаларга ҳужум қилабошлайдилар. Ўрта Осиёнинг забт қилинган ерларидан олинган ҳисобсиз асиirlарни шаҳар қўргонини ўраб олган катта чуқур хандақни тўлдириш, шаҳар деворларини йиқитиш учун уларнинг тегига чуқурлар қазишга мажбур этадилар. Урганч устидаги мўғуллар урушининг даҳшати шунгача етдики, бошлиб шаҳарни аскарий куч блан мудофаа қилишга киришган Хоразм ҳукмдори Хумортакин мўғул аскарлари даҳшатидан қўрқиб, мудофаачиларга хоинлик қиласи. У, чиқиб мўғулларга таслим бўлади. Лекин ўз ватани учун курашаётган шаҳар аҳолиси ҳукмдорнинг хоинлигига, қуролли мўғул қўшинининг кўплигига қарамай, кураши қаҳрамонларча давом этдиради. Ўрта Осиёга мўғуллар ҳужумини тарихий манба'лар асосида мукаммал ёзган академик Бартольд, Урганч халқининг ҳақиқий ватанпарварлигини мана шу сўзлар блан ифодалайди: „Султоннинг хиёнати халқни бир даража руҳсизлантирса ҳам, шаҳарни мудофаа қилиш давом этади ва Ҳисор устига байроқларини тиккан мўғуллар, шаҳарнинг ҳарбир маҳалласини, ҳарбир кўчасини қаттиқ кураш блан олишга мажбур бўлдилар. Мўғуллар идишларни ёнилғилар блан тўлдириб, уйларга ташлайдилар ва ёндирадилар. Шаҳарнинг яримидан кўпи хароб этилса ҳам, мўғуллар ёнғинларнинг шаҳарни секин-секин хароб этишига қаноат қилмай, шаҳарни сувга бостиришга қарор қилдилар. Шаҳардан ўтадиган ариқ устиди, шаҳарнинг марказида бир кўприк ишланди. Уч минг мўғул кириб бу кўприк устиди иш бошламоқчи бўлиб турган вақтида, хоразмлилар уларга ҳужум қилиб, ҳаммасини қириб юбордилар. Бу ҳол аҳолига жасорат берди ва шаҳарни мудофаа қилиш учун кураш аввалгидан зиёда кучайтирилиб давом этдирилди“.

Ўнларча маҳаллалардан иборат бўлган бу катта ўрта аср шаҳрининг уч маҳалласи қолгунча халқ мудофаа курашини давом этдиради. Бу воқиаларни ёзиб ўтган автор Ибнуласирнинг ма'lумотига кўра, шаҳар мўғуллар томонидан забт этилгунича маҳаллий халқ блан мўғул аскарлари ўртасида бўлиб ўтган узоқ ва қонли урушда Урганч халқидан кўра мўғуллар кўпроқ қирилган. Мўғул аскарларининг бош суюкларидан ша-

ҳар атрофида шаҳар харобасига ўхшаш катта тепалар. миноралар лайдо бўлган. Бу сүяқ тепалари XIII аср охирида, XIV аср бошларида ўтган Рашидиддин замонида, Ўрганич харобаси ёнида қўшимча хароба бўлиб куринган ва узоқ замонларгача мудофаачилар қаҳрамонлигини эслатучи моддий ёднома бўлиб қолган.

Ўрта Осиё тарихида ўзининг ҳар жиҳатдан устунлиги блан танилган қадимги Марв шаҳри ҳам 1221-инчи йилнинг бошларида мўгуллар ҳужумига учрайди. Хурросонни забт этиш учун Чингизхон энг талантли саркардалардан бўлган тўртинчи ўғли Тўлинни юборади. Малумотларга қараганда, унинг 70—80 минг аскардан иборат қўшини бўлган. Марвнинг собиқ ва янги ҳокимлари Ўрта Осиёга мўғулларнинг ҳужум қилганини кўратуриб, душманга қарши чиқишга ҳозирланиш ўриига, ўзаро уруш бошлайдилар. Бири иккинчисига қарши туриб, мўғул отрядларини шаҳар устига бошлаб олиб келадилар. Мўгулларга элчилар юборадилар. Марв шайхулисломи эса, бошдан ҳам босқинчилар томонида бўлиб, бу тўғрида Сарахс қозиси блан махфий иш олиб бортган эди. Шаҳар ва унинг атрофидаги аҳоли — туркманлар ва мўгуллар зулмидан бошқа ерлардан жон сақламоқчи бўлиб қочиб келган кишилар мўгулларга қарши курашга қаттиқ киришадилар. Ҳукмдорлардан қайси бири шаҳарни мудофаа қилишга ҳракат этса, улар ўшанинг томонига ўтадилар. Џундай қилиб, Марв ва унинг атрофидаги аҳоли мўгулларга қарши кураш байроғини кўтарган бир пайтда, шаҳарнинг ҳукмрон доиралари қайси йўл блан бўлмасин, я'ни мўгуллар блан келишибми, ёки уларга қарши урушиш йўли бланми ўз мақсадларини амалга оширишга интиладилар. Буни мана шу воқиадан равshan кўрамиз:

Султон Муҳаммад Муджарулмулкни олиб ташлаб, унинг ўрнига Бехалмулк деган кишини қўйган эди, буниси ўзининг ўрнига бирорини қўйиб, шаҳарни ташлаб кетади. Шаҳар ҳокимиятига қолган у киши ҳам шайхулислом сингари мўғулларга урушсиз таслим бўлиш тарафдори эди. Шу орада султон Муҳаммаднинг Буқа исмли бир амири келиб, шаҳарни забт қилади. У мўгулларга қарши уруш э'лон қилганидан кейин жуда қисқа бир вақт ичida бутун халқ унинг атрофига тўпланади. Бу воқиа ҳақида мукаммал малумот қолдирган автор Жувайнининг айтишича, Буқа атрофига унинг

тарафдори бўлган туркманлар, мўғулларга итоат этишдан бош торган шаҳар аҳолиси ва сulton Муҳаммаднинг турли томонлардан йиғилган аскарлари тўпланади. Шу орада Марвнинг эски ҳокими Муджарулмулк шаҳарга келади. Қизиги шундаки, у шаҳарни мудофаа этишга қарор берган Буқанинг атрофига тўпланган халқдан қўрққанидан, шаҳарга тезда ҳужум қилаолмайди. Натижада, 70—80 минг аскардан иборат бўлган Марв қўшини блан туркманлар Буқадан айрилиб, Муджарулмулкка қўшилганларидан сўнг, у, шаҳарни забт этишга муваффақ бўлади. Муджарулмулк ҳам шаҳарни мудофаа қилмоқчи бўлади. Унинг блан шайхулислом ўртасида кураш бошланади; охири у шайхулисломни ўлдириб, гавдасини парча-парча қилиб, шаҳар халқига кўрсатади. Шаҳарнинг Муджарулмулкдан олдин ҳокимлик қилган амири унга қарши бир миқдор мўғулларни олиб келган бўлса ҳам, бу уруниш, унинг ўзига зарар бўлиб чиқди. Орадан бир қанча вақт ўтгандан кейин Амуя ҳокими Ихтиёридин шаҳарнинг мўғуллар томонидан олингани ҳақида хабар келтиради ва Марвда жуда ҳам яхши қарши олинади. Ихтиёридин изидан қувиб келмоқда бўлган 800 кишилилк мўғул отряди, шу замонда Хоразмдан Марвга келаётган Шайххон ва Ўғилхоннинг аскарларига тўқинишиб, тор-мор келтирилади. Мўгуллардан 60 киши асир олиниб, Марвга келтирилади. Кейин бу амирлар ҳам Марвга ҳоким бўлишни истадилар. Булар Дастажирга бориб, унда аскар тўплаб, Муджарулмулкка қарши юруш қилдилар. Лекин улар мақсадларига эришмай, фақат шаҳар атрофини талаб, қайтиб кетдилар. Мўғулларнинг асосий кучи ҳужум қилишдан олдин ҳоким табақанинг тутган позицияси шундай эди. Уз ватанини мудофаа қилишга бел боғлаган халқ, ташки душман келмасдан бурунроқ булар ўртасидаги курашда таланмоқда эди. Шундай бўлса ҳам, халқ мудофаа ишини сусайтиrmади.

Марв бу даврда жуда мустаҳкам бўлиб, баланд девор блан ўралган, атрофига чуқур ва кенг хандақ қазилган эди. Тўлихон ўз аскарлари блан келганидан кейин, олти кун давомида шаҳар атрофида юриб, стратегия жиҳатидан энг аҳамиятли бўлган пунктларни қўлга олади. Шаҳар аҳолиси икки марта чиқиб мўғуллар блан урушади. Лекин ҳали уруш қизимасдан илгари, шаҳар ҳокими Муджарулмулк хоинлик сари

қадам ташлайди. У, шаҳар имоми Жалолиддинни мӯғулларга элчи қилиб юборади. Жалолиддин бориб, мӯғулларга 200 минг динор пул, 30 минг ҳарвон галла, 100 та йўрга от, 100 та ҳинди ва турк қулини беришга ва'да қилиб қайтади. Шундай қилиб, Марв ҳокими мӯғул аскарларини шаҳарга киритади.

Мӯғуллар, шаҳар ҳалқини тўрт кечако-кундуз ичидаги бутунлай қириб ташлайдилар. Бу қирғиндан, фақат 400, иккинчи бир малумотга кўра 40 та ҳунарманд кутулиб қолади. Мӯғуллар шаҳарни урушсиз деярлик қўлга киритган бўлсалар ҳам, уни атайлаб бутунлай хароб қилдилар. Девор дарвозалари, бинолари, сув тўғонларини ер блан яксон қилдилар. Шаҳар фақат икки асрдан сўнг, XV асрнинг бошларидагина бўлак бир жойга қайтадан қурилади.

Муттаҳам руҳонийлар блан ҳокимларнинг хоинлиги натижасида шунча фалокатларга учраган мудофаачилардан битта-яримта қочиб қутилган кишилар ўз бурчларини адо этишдан қайтмадилар. Мӯғуллар томонидан қолдирилган ҳокимлар бошқа шаҳарлардаги ҳаракатларни бостириш учун чиқиб кетишлари блан, булар ҳам йигилиб, мӯғулларга қарши ҳаракатни бошлайдилар. Шаҳар ҳокими қайтиб келганда уни шаҳарга қўймайдилар. Буларга Қўштигин деган бир киши раҳбарлик қилади. Лекин Хурросонда юрган мӯғул отрядлари, бу ҳаракатни бостириш учун Нахшаб амирларини чақирадилар. Мӯғуллар яна талай куч йиғиб, шаҳар устига юруш қиладилар. Қаттиқ кураш бошланади. Лекин қуролланган мӯғул аскарлари блан бу ҳаракатни бостиришга муваффиқ бўладилар. Мӯғуллар шаҳарга гарнизон қўйиб қайтадилар. Бу гал шаҳарнинг қолган-қутган бинолари ҳам хароб этилади. Ундаги халқ қирилади. Лекин бу блан кураш тамом бўлмади. Қочиб кетганлар ва қишлоқ аҳолисидан яна 10 минг киши йиғилиб, бир вақтлари Марвда 6 ой амирлик қилган Арслон деган бир кишини бошлиқ қилиб кўтариб, фожиали суратда ҳалок бўлган ака-укалари, ота-оналари, ёр-оғойниларининг ўчини олмоқчи ва ер блан яксон этилган ватанини ваҳшийлар қўлидан қутқармоқчи бўладилар. Албатта, ҳамма ёқни қон блан суғорган мӯғул одамхўрлари қаршисида, бу 10 минг кишилик қўшин арзимас бир куч эди. Лекин бу воқианинг қиймати шундаки, у халқнинг, то битта қолгунча, ўз ва-

зиғасини бажаришдан бош тортмаганлигини кўрсатади. Бунга халқ ўз иктиёри блан ўзини сафарбар қилди. Коғирларга қарши урушга халқни ташвиқ қилиб юручи сотқин руҳонийлар ва ҳокимлар мусулмон бўлмаган шу мўғуллар томонига ўтиб, ўзларини омон сақлаб қолган пайтларида ҳам, халқ уруш майдонида битта қолгунча кураш байробини қўлдан қўймади.

Хоразмшоҳлар хонадонидан биргина сulton Мұхаммаднинг ўғли сulton Жалолиддин, мўғулларга қаттиқ қаршилик кўрсатди. У, бошлаб давлатнинг маркази бўлган Хоразмни мўғуллар ҳужумидан ҳимоя қилишга урунгаи бўлсада, пойтахтда унга қарши оппозиция жуда авж олиб кетганилиги бу нағсага йўл бермади. Шунинг учун у Хоразмдан кетиб, Амудар'енning жанубий томонларида мўғул аскарлари блан қаҳрамонларча курашди. Жалолиддин Хоразмдан жўнаганида, Хуросонда Тахучар қўл остидаги мўғул аскарлари бор эди. Жалолиддиннинг Хуросонга қараб юришини эшитган Чингизхон бу кучли ва талантли рақибнинг ўзига қарши қандай оғирликлар түғдиришини билар эди. Шунинг учун у, Жалолиддиннинг йўлини кесиш мақсадида Хуросоннинг шимолий томонларига махсус аскарлар юборади. Жумладан, Нисо шаҳрига 700 отлиқ аскар юборган эди. У ерда Жалолиддин ўзининг 300 аскари блан мўғулларнинг 700 аскарига ҳужум қиласди. Уруш жуда ҳам шиддатли ва қизғин бўлади. Оқибатда Жалолиддин аскарига нисбатан икки ярим ҳисса кўп бўлган мўғул отлиқ аскарлари бутунлай тормор келтирилади. Уларнинг омон қолган озгина бир қисми бутун озиқ-овқатларини, кийим-кечакларини, қурол-аслаҳаларини ташлаб, зўрга қочиб кетадилар. Бу ғолибона ҳарбий операция Хуросондаги мўғул аскарларининг руҳини бутунлай тушириб юборади. Шунинг учун ҳам Жалолиддинни кутиб олиш учун юборилган мўғул аскарий қисмлари у Нишпур ва Ҳиротдан ўтиб, Қандаҳор чегараларига боргунича унга ҳечқандай жиддий қаршилик кўрсатаолмайдилар. Қандаҳор яқинида Саджистоннинг Аминалмулк қўл остидаги 10 минг аскари келиб Жалолиддинга қўшилади. Жалолиддин бу янги куч блан Қандаҳор вилоятини забт этиш мақсадида урушаётган катта бир мўғул аскарий қисмига ҳужум қилиб, уни бутунлай енгиб ташлайди.

Жалолиддин Ғазна ва Бомиён ўртасидаги Парвона ёнида мӯғулларга қарши яна бир ғолибона ҳужум қиласди. Бошлаб Жалолиддин Валиён қўргонини ишғол қилган мӯғул отрядига қаттиқ зарба беради. Мӯғуллар уруш майдонига минг кишини қолдириб қочабошлийдилар. Улар Панжшер сувидан ўтгандан кейин унинг кўпригини бузиб ташлайдилар. Шу блан улар орқаларидан қувиб келаётган Жалолиддин аскарини бирқадар тўхтатишга ва Чингизхонга етиб олишга муваффақ бўладилар.

Бу воқиа, Чингизхоннинг юрагига яна каттароқ хавф солиб қўйди. Жалолиддинга қарши юборилган аскарларнинг мағлубиятга учраши, шубҳасиз, Чингизхонни ларзага келтиради. Шунинг учун у, Жалолиддинга қарши букунгача кетма-кет ғалабаларга эришиб келаётган энг яхши аскар бошлиқларидан ҳисобланган Шаки-Хутуху Нўён қўл остида 45 минг аскар юборади. Жалолиддин ҳам ўз аскарларининг оз бўлишига ва турли қабилалардан иборат бўлишига қарамай, унга қарши чиқади. Парвонадан бир фарсах масофада икки орада қаттиқ жанг бўлади. Жалолиддин аскарларининг ўиг қапотини — Аминалмулк, сўл қанотини — Оғрак идора этади. Мусулмонлар отларидан тушиб, пиёда бўлиб уришабошлийдилар. Бу шиддатли уруш икки кун давом қиласди. Мӯгул аскарлари заифланабошлигандан кейин, Шаки-Хутуху Нўён урушнинг иккинчи кечасида, ўз аскарларига, отлик аскарлар шаклида кийгиздан қўғирчоқлар ясашга фармон беради. Бу блан мӯғул аскарларига янги куч (ёрдам) келган қилиб кўрсатиб, Жалолиддин аскарларини қўрқитмоқчи бўлади. Лекин уларнинг бу макрлари ҳам фойда бермайди. Жалолиддин битта-яримта қўрқиқан аскарларига ҳам бу нарсанинг макр ва ҳийла эканлигини тушунираолди ва уларни, албатта ғалаба қозонамиз, деб руҳлантириди. Бу нарса ҳақиқатан мӯғул аскарларининг кучсизланиб қолганлигини очиб бергандан кейин, Жалолиддин отдан тушиб урушаётган аскарларига отлик бўлиб урушиш тўғрисида фармон беради. Бирданига мӯғулларга ҳужум қиласди. Мӯғулларнинг 45 минг аскари бутунлай қирилади. „Енгилмас“ саркарда Шаки-Хутуху Нўён озгина аскари блан зўрға Чингизхоннинг улуғ даргоҳига қочиб боришга муваффақ бўлган эди.

Бу урушда мӯгуллар бундай кучли зарбани биринчи марта кўрдилар. Жалолиддиннинг бу қаҳрамонона ҳаракати натижасида душманнинг мағлубиятга учраши, мӯгуллар томонидан ишғол этилган Амудар'ёниг жанубий томонларидағи шаҳар ва қишлоқларнинг мӯгуллар қўлидан чиқиб кетиши учун имконият туғдирди. Чингизхоннинг ўзи томонидан забт этилган Балх, қорлуқлар қўлига ўтиб кетади. Жуда кўп жойларда ерли аҳоли қўзғолон кўтариб, мӯгул гарнизонларини биттама-битта ўлдириб, у ерларни ўз қўлларига олабошладилар. Бу ерлардаги ҳисобсиз мӯгул аскарлари асир бўлади. Аҳоли улардан ўч олабошлайди. Айрим мусулмон қабилалари мӯгул асрларининг қулоқларига қозиқлар қоқиб, Жалолиддин ҳузурига олиб борадилар.

Жалолиддин ҳечнарсага қарамай, фақат мӯгулларга зарба бериш учун бор кучини сарф қилган бўлса-да, мӯгуллар устидаги бу ғалабадан кейин, унинг аскарбошлиқлари орасида ўлжа моллар юзасидан талаш бошланади. Натижада, Сайфиддин Оғроқ, А'зам Малик ва Музаффар Маликлар Жалолиддиндан ажралиб кетадилар. Жалолиддиннинг ёнида биргина Аминалмулк қолади. Жалолиддин бу ички бузулишни қисқа вақт ичидаги бартараф қилаолмайди.

Юқоридаги мағлубиятдан сўнг мӯгулларнинг асосий қисми Чингизхоннинг ўзи блан бирга Жалолиддинга қарши юради. Бу сафар ҳам Жалолиддин Ғазна шаҳридан бир кунчалик жойда мӯгулларининг олдинги отрядларини мағлуб этади. Кўп куч блан неча марта-лаб унга қарши юрган мӯгуллар, жуда кўп талафотлар бериш блан бўлса ҳам, бу ашадди душманлари блан курашишни тұхтатмадилар. Лекин Жалолиддин шунда ҳам ўзининг ҳақиқий қаҳрамонлигини кўрсатади. Мӯгуллар блан уруша-уруша, Ҳинд дар'ёсигача бориб етди. Ҳинд дар'ёси бўйида ҳам Чингизхон аскарлари блан Жалолиддин аскарлари ўртасида катта уруш бўлади. Жалолиддин аскарининг, ўз қўл остидаги марказий қисми, мӯгул аскарининг Чингизхон бошқарган марказий қисмига ҳужум қилиб, бунда ҳам мӯгул аскарларини орқага чекинтиради. Ба'зи малумотларга қараганда, Чингизхоннинг ўзи бу жангда қочиб қутилган. Лекин Жалолиддин аскарларининг бошқа қанотлари, мӯгуллардан енгилади. Бундан сўнг ҳарбий

ҳолат Жалолиддинни Ҳинд дар'ёсидан ўтишга мажбур этади. Ўз онаси, хотини ва бошқа яқин қариндош-уруғларини дар'ёдан ўтказиш қийин бўлғанилиги учун, мўғуллар қўлига асир тушмасин, деб ўз кўзи олдида дар'ёга ташлатдиради. Ўзи, от блан ўтиб бўлмайдиган дар'ёга отнинг бошини буради. Жалолиддин аскарларидан тўрт минг киши дар'ёдан эсон-омон ўтади. Мана шундан кейин Чингизхоннинг унга қарши юборган 20 минг аскари унга битта ҳам ўқ узолмайди.

Мўғулларнинг Ўрта Осиёдаги ҳужумлари, ҳамма ерда ерли халқнинг кучли қаршилигига учрайди. Бу курашлар буюк Хоразмшоҳ давлатининг шавкатли сultonи Муҳаммаддан тортиб, унинг шаҳарларга қўйган гарнizon бошлиқлари, аскарбошилари ва бутун руҳонийлар табақасининг хоинлиги, я'ни мудофаа этилган шаҳарлардан қочиб кетишлари, шаҳарларнинг мустаҳкам дарвозаларини босқинчиларга яширин равишда очиб беришларига қарамай, мўғуллар бу ерда катта талафотлар бердилар. Халқ бор кучи блан курашди. Кенг Ўрта Осиёда ерли аҳолининг бу қаҳрамонона кураши яхши уюштирилганда, иккинчи томондан, юқоридаги элементлар ўз халқига, ўзининг мустақил ҳаётига ва она ватанига хоинлик қилмаганларида, бу курашнинг ғалабага олиб бориши шубҳасиз эди.

*

Мўғуллар ҳужуми улар забт этган ерларнинг аҳолиси бошига жуда оғир кунларни солди. Улар, забт этилган шаҳар ва қишлоқларни бутунлай хароб қилдилар. Шаҳарларнинг девор, дарвозаларини, азамат қўрғонларини, ҳашаматли биноларини ер блан яксон қилдилар. Сув тўғонларини буздилар. Жамоат бинолари ва аҳолининг уй-жойларини ёндирилар. Ўрта Осиёнинг йўтрор, Хўжанд, Бинокат, Бухоро, Самарқанд, Термез, Марв, Балх сингари кекса ва катта шаҳарларини харобазорга айлантирилар. Буюк Хоразмшоҳлар пойтахти, катта савдо маркази бўлган Урганчининг кўркам бинолари сув остида қолди. Мўғул аскарларининг ифлос қадами теккан ҳарбир ер харобага айланди. Ўрта Осиёнинг унумли деҳқончилик ерлари топталди. Эски сун'ий суғориш системаси емирлиди. Аҳолининг мол-

мулки игнасиғача таланди. Кўпчилик халқ босқинчи мӯғул аскарлари томонидан чопилди. Соңсиз кишилар қулликка тушди. Мӯғуллар қирғинидан Ўрта Осиёning айrim шаҳарларида ўз ватанига хиёнат қилган сотқинлар ва ўликлар остида яшириниб қолган битта-яримта кишиларгина қутулиб қолди.

Бухорога мӯғуллар ҳужум қилган вақтда Хурсонга қочган бир кишига хурсонлилардан бири: „Аҳволингиз қалай. Бухорода нима ишлар ва қандай воқиалар юз берди?“ деб савол берган. Бухороли: „Келдилар, осдилар, кесдилар, ёндирилар, ўлдирилар ва молларимизни таладилар“, —деб жавоб беради.: Бу воқиани баён этган XV аср тарихчиси Хондамир: „Бухорода мӯғул лашкари кўрсатган ёвузликларни баён қилиш учун форс тилида бундан қисқароқ иборани топиб бўлмайди“, дейди. Ҳақиқатан, мӯғуллар ҳужуми натижасидаги харобаликларни ифодалашга қалам ожизлик қиласди.

Мӯғуллар забтидан сўнг, мамлакатнинг барқ уриб турган маданий марказлари, мудҳиш харобалар тусини олди, хароб қилинган ҳайбатли биноларнинг жим-житлигини қушларнинг чириллаган овозларигина бузадиган бўлди. Қақраган саҳрора айлантирилган обод экин даларида қонга бўялган ўликларга ёпирилган қузғулардан бошқа жон эгаси кўринмас эди.

Бундан 700 йиллар бурун мӯғуллар томонидан хароб этилган ерларнинг қолдиқлари, Ўрта Осиёning катта чўллари, қум ва саҳроларини бу кунда ҳам босиб ўтучиларга ўтган замонларда, бу ерларда гуллаган, маданиятли ҳаёт бўлганлигини кўрсатиб туради. Мамлакатимизнинг экинзорлари орасида ва Ўрта Осиёning қайтадан қурилаётган шаҳарлари ёнидаги табиий тепаларга ўхшаб қолган харобаларни кўрган киши, уларни хароб қилган босқинчиларга, йиртқич ва қонхўр Чингизхонга яна бир марта нафрат ўқийди.

ЎЗБЕК ҲАЛҚИНинг ВАТАН УЧУН ҚИЛГАН КУРАШЛАРИДАН БИР ЭПИЗОД

XIV асрнинг ўрталарида Мовароуннаҳрда мӯғуллар ҳукмронлиги йиқилгандан кейни мамлакат жуда майда амирликларга бўлинниб кетди. Фақат Шарқий Туркистон

блан Еттисув¹ териториясидагина мӯғул ҳукмронлиги қолади. Умуман бу даврда, бир томондан, ўнлаб йиллар давомида Мовароуннаҳрнинг юқорида айтилган амирликлари ўртасида ўзаро уруш-тортишлар бўлиб турса, иккинчи томондан, бу ерга Шарқий Туркистон ва Еттисувдан мӯғуллар муттасил ҳужумлар қилиб туарар эдилар. У даврда мамлакатнинг сиёсий аҳволи ана шундай эди.

Кучли ҳарбий қувватга эга бўлган мӯғул хони Туғлук Темур шу асрнинг 60-нчи йилларидан сўнг Мовароуннаҳрни бирнечча марта босиб олишга муваффақ бўлди. Юқорида айтганимиздек, Мовароуннаҳрнинг майда ҳукуматларга бўлинганилиги мӯғулларнинг босқинчилик ҳаракати учун кенг йўл очади. Лекин борабора мӯғул аскарлари бу ерда кучли зарбаларга учрайдилар..

Мӯғулларнинг биринчи ҳужуми давридаёқ, ўзининг кучли ҳарбий билими блан тарих саҳнасида кўринган ва аллақачон сиёсий каръерасини бошлаган Темур² ва унинг иттифоқчisi Амир Ҳусайн³ мӯғулларга қарши 3—4 йил давомида тўхтовсиз кураш олиб борадилар.

Темурнинг ҳарбий илмни ғоятда яхши билиши, ҳарбий тактикада ўтакетган даражада уста ва мустақил бўлиши, унинг душманга нисбатан ботирлик хусусиятлари, бутун ғалабаларнинг гарави эди. У 1360—1365-нчи йилларнинг орасидаёқ мӯғулларнинг кучли армиясига қарши, ўзининг сони оз нақарлари блан ҳужум этган ва кўп жангларда ҳисобсиз босқинчи мӯғул аскарларини тор-мор қилган эди. Воқиани ойдинлаштириш учун бу жанглардан бир эпизодни келтирамиз: Туғлук Темурнинг Мовароуннаҳрга биринчи ва иккинчи ҳужумида Темур турли ҳийлалар блан Шаҳрисабз вилоятининг ҳокимлигига қолишга муваффақ бўлса-да, у Мовароуннаҳрда мӯғул ҳукмронлигига қарши ҳаракат қиласабошлади. Бу нарса уни 1362—1363-нчи йилларда Мовароуннаҳрдан вақтинча воз кечишга мажбур этади.

¹ Шарқий Туркистон — ҳозирги Қашқар; Еттисув — ҳозирги Қозоғистон ва Қирғизистонда ўрнашган бир вилоятнинг исми эди.

² Темур — 1336 йилда Шаҳрисабз атрофида туғилади. Отаси Амир Тарабай Барлос уруғининг бошлиқларидан бўлган.

³ Ҳусайн — Мовароуннаҳр амирларидан Амир Қазоғоннинг набираси бўлиб, мӯғуллар ҳужуми олдида Самарқанд амир ёди.

Темур Амир Ҳусайн блан бирга ҳозирги Туркманистон тупроғида қолади. Улар гоҳ майда туркман тўдалари блан урушиб, ҳатто бир марта асир ҳам тушганлар, гоҳ бир-бирларидан айрилиб кетиб, яна бир-бирлари блан бирлашиб юрганлар. Туркманистондан кетгандан кейин Амудар'ё бўйларида, ундан сўнг Сайистонда,¹ куч йигиш мақсадида бўлса керак, уруғлар ўртасидаги урушларда иштирок қилиб юрадилар. Шундай қилиб, бутун куч-қувватдан айрилган Темур ва Ҳусайн, яна бир миқдор аскар тўплашга муваффақ бўлганларидан сўнг, булар мўғуллар блан курашишга бевосита киришадилар. Темур блан мўғул аскарлари ўртасидаги биринчи катта уруш, Пули Сангин² деган жойда бўлади. Бу ерда Темур икки минг аскари блан мўғулларнинг 20 минг аскарига ҳужум қиласди. Бу тўқинишда Темур кучли душманга ўзининг моҳир тактик эканлигини кўрсатади. Темур қийинлик блан йиққан аскарини, душманинг 20 минг аскари панжасида нобуд қилмаслик учун тоғлар орасида турган душман аскарининг кучини аниқлаб олади ва сўнгра ўз аскарларини иккига бўлади. 500 аскарини душман қаршисида қолдириб, қолган 1500 аскарига атрофидаги тоғларнинг тепасига чиқиб, ҳамма жойга ўт ёқиши буоради. Баланд тоғ тепаларида ёнабошлаган ўтларни кўрган мўғуллар, бизни ҳисобсиз қўшин қуршаб олипти, деб ўйлаб, орқага чекинишга мажбур бўладилар. Бу зафардан сўнг, Темур 2.000 кишидан 300 отлиқ аскарни ажратиб олиб, булардан икки юзини беш аскарбошлиги блан Шаҳрисабзни забт этиш учун юборади. Буларни тўрт қўшинга бўлиб, отларининг икки томонига икки боғдан сер япроқ шоҳлар боғлаб олишни буоради. Бу отлиқлар, шоҳларни судратиб, кўчанинг чанг ва тупроқларини осмонга кўтариб, Шаҳрисабз устига юрадилар. Шаҳрисабзнинг бу ҳайбатли воқиадан қўриқкан мўғул амирлари ўзларининг минглаб аскарлари блан Шаҳрисабзни ташлаб қочишга мажбур бўладилар. Темур эса, 1700 аскарини Дарбандда³ қолдириб, ўзи юз киши блан бориб, Ҳисор ва

¹ Сайистон – Амудар'ёнинг жануб томонидаги вилоятларидан бири.

² Пули Сангин – Тожикистон ССР да тоғлиқ бир жой.

³ Дарбанд – Шаҳрисабз блан Терmez ўртасида бир стратегик пункт.

Ғузор томонларини мўғуллардан тозалайди. Темурнинг мана шундай тактикали ҳаракатлари натижасидагина бутун Мовароуннаҳр 1364-нчи йили мўғул амирлари панжасидан қутқарилади. Мовароуннаҳрдаги бир-бирларини талаб юрган ҳамма амирлар ҳарбий тарихни тамом янги воқиалар блан бойитган бу талантли саркәрдага қойил бўлиб, унга итоат этишга мажбур бўладилар.

1364-нчи йили Мовароуннаҳрда амир Ҳусайн ва Темур ҳукмронлиги тикланган бўлса-да, мўғул амирлари ўзларининг босқинчилик ҳужумларини тўхтатмадилар. Булар 1365-нчи йили яна Мовароуннаҳрга ҳужум қилдилар. Бу гал Темур блан Ҳусайн мўғулларни Мовароуннаҳрга киргизмаслик учун тезда уларга қарши чиқадилар. Мўғул аскарлари Мовароуннаҳр аскарлари блан Лой деган ерда¹ уруш қиладилар. Бу урушда Мовароуннаҳр томони тамомила енгилади. Енгилишнинг сабаби—Мовароуннаҳр ёскарининг озлиги эмас, балки қўшиннинг ўнг ва чап қаноти бошида турган Темур блан Ҳусайн ўртасида, уруш қизиган бир пайтда, жанжал чиқишидир. Темур бошлиқ чап қанот душманнинг ўнг қаноти устидан ғолиб келган бир пайтда, Ҳусайн бошлиқ ўнг қанот душманнинг чап қаноти томонидан енгилади. Бу мағлубиятнинг бошланиши блан Ҳусайннинг руҳи түшиб, урушмасликка қарор бериш даражасигача бориб етади. Мардларча урушаётган Темур, Ҳусайнни ўз ишидан огоҳлантириш учун, олдига кўп одамлар юборган бўлса ҳам, Ҳусайн Темурнинг юборган кишиларини ғазаб блан жазолайди. Албатта, душманга қарши урушаётган аскар ёки унинг бошлиқлари ўртасида бундай ҳолларнинг вужудга келиши, шубҳасиз, мағлубиятга олиб боради. Бу икки-уч кунлик уруш, шу қадар шиддатли эдики, урушаётган ҳар икки томондан ўн минг киши нобуд бўлади. Мана бу қаттиқ мағлубиятдан сўнг Темур блан Ҳусайн, шунчалик ҳарбий билимлари ва катта ҳарбий тажрибалари блан, мўғул аскарларига қарши урушни ортиқ давом этдираолмай қоладилар. Булар Мовароуннаҳрни ва унинг бошшаҳри бўлган Самарқандни ўз ҳолига ташлаб, Афғонистонга кўчиб кетадилар.

*

¹ Лой — Чирчиқ блан Оҳангарон дар'ёлари ўртасида.

Лой жангидаги ғалабалардан сўнг мўғул аскарлари жануб томонга юрабошлайдилар. Лекин булар, Самарқанд халқи томонидан кутилмаган сўнги қаттиқ зарбага учрайдилар. 1365-чи йилнинг кузида мўғулларнинг толонлари ва оғир зулмларига мубтало бўлиш олдида турган шаҳар аҳолиси, ўз ҳолига ташлаб қўйилган Самарқандни мудофаа этишни ўз устига олди. Шаҳарни мудофаа этиш шароити жуда оғир бўлишига қарамай, улар босқинчи мўғулларга қарши қурол кўтардилар. Жума кунларидан бирида Самарқанднинг бутун аҳолиси масжиди жоми'га тўпланди. Буларнинг орасидан Мавлонозодайи Самарқандий деган бир киши масжид минбари устига чиқиб, халққа қаратса бундай деб мурожаат қилди: „Ё маш'аралмуслимин (мусулмонлар жамоати), бугун ғолиб кофирлар мусулмонларнинг хону-мон ва жонлари қасдига келганлар; божу-хирож иоми блан мусулмонлардан жўзия олиб, уни ўзларича харж этиб юрган амирлар (Темур ва Ҳусайн), душманнинг пайдо бўлиши блан, мусулмонларни ўз ихтиёрига ташлаб қочдилар. Бу шаҳарни аҳолиси, ҳарқанча гарав ва ҳадия-эҳсонлар берсалар ҳам, бу балодан қутидаолмайдилар“. Мавлонозоданинг бу нутқидан сўнг масжиди жоми'га йигилган халқ ташқи душмандан шаҳарни мудофаа қилишга ва ёвларга қаттиқ зарба беришга қарор қилди. Бу ишга раҳбарлик қилиш учун, косиб (наддоф) Абубакр Қалавий, Мавлоно Хурдаки тийрандоз ва минбарга чиқиб сўзлаган Мавлонозодайи Самарқандийлар белгиланди. Булар шаҳарни мудофаа этиш учун энг зарур бўлган чораларни тезлик блан кўрадилар. Ҳаракат бошлиқлари шаҳар аҳолисининг (тожик, турк ва бошқаларнинг) рўйхатини олдириб, йўлакларга посбонлар қўйдилар. Шаҳарнинг катта кўчаларига баррикадалар ясад, мўғул отлиқларининг йўлини тўсдилар. Шаҳар кўчаларининг ҳаммасига мерганлар қўйилди. Кишиларга уйларига бориш, ёки уруш вақтида ўз ихтиёри блан постини ташлаб кетиш қат'ий ман' қилинди. Баррикадаларнинг ости ва устидан туриб, мўғуллар блан сўзлашиш, қаттиқ ман' қилинди. Фақат шаҳарнинг биргина кўчасини очиқ қолдириб, мингтacha одамни пистирмага қўйдилар. Ҳаракат бошлиқларининг ўзи беш юзтacha одам блан кўчанинг охирига бориб, яшириниб турдилар. Шаҳар устидан „ғалаба қозонишга“ тўла ишонган мўғул аскарлари тўппа-тўғри бўшатиб қў-

йилган кўча блан, ҳаракат бошлиқлари турган жойга яқинлашабордилар. Ҳаракат раҳбарларининг махсус сигнали блан шаҳар мудофаачилари бирданига ҳар томондан мӯғулларга ҳужум бошладилар. Қуроллилар ўз қуроллари блан жанг қилди, қуролсизлар эса, босқинчи мӯғулларни калтак ва тошбўрон остига олди. Урушнинг биринчи кунидаёқ, мӯғуллар уруш майдонида икки мингтacha ўлган ва ярадор бўлган аскарларини қолдириб, орқага чекинишга мажбур бўлдилар. Шаҳарга иккинчи кун мӯғуллар қайтадан ҳужум қилиб, умрида аскарликни кўрмаган тинч шаҳар аҳолисига қарши, кўчманчиларнинг бутун ҳарбий ҳунарини ва тактикаларини ишлатадилар. Шундай бўлсада, мудофаачилар зафар қозонади.

Шаҳар халқи Темур блан Ҳусайн аскарини енгиб чиқкан мӯғулларнинг ҳужумини тамомила тор-мор келтириб, ўз ватанини босқинчилардан ҳимоя қилабилдилар. Мӯғул ҳарбийлари мажоқланиб ташлаанди. Улар ҳарбий асбоб-анжомларидан ва уловларидан ажрадилар. Мӯғул аскарларининг ўлимдан қутулиб қолган қисми шаҳар атрофини ваҳшийларча талаб, сўнгра қочди. Бирнече йиллар давомида Мовароуннаҳр ва унинг аҳолисини муттасил талаб қелган мӯғулларга маҳаллий халқнинг шундай қаттиқ зарба бериши орқасида, улар иккинчи марта ҳатто Мовароуннаҳрнинг чегарасига ҳам яқинлашаолмадилар.

Темур тарихчиси Шарафиддин Али Яздий бу воқиани ёзганда, халқнинг ватан учун курашда аскарлар қаторида хизмат қилганини ва мамлакатни ҳарқандай ёвдан сақлаб қолиш аҳолисининг қўлидан келиши мумкинлигини баён қиласди: „Хукмдорлар қарамоғидаги аскар ва қўшинларнинг ҳаракатлари блангида бўладиган мулк муҳофизати ва душманга қаршилик кўрсатиш каби ишлар шаҳар аҳолисининг қўлидан келди... Шоҳона тантаналардан холи бўлиб ҳам голиб қелган мард аҳоли, шунча жаррор аскарларга қарши бошма-бош турди ва душманнинг ҳужум ва мудофааларига қарши баробар келдики, уларнинг ғалаба ва истило қўллари бу шаҳар аҳолисиңинг номусига ва молларига етмади“.

Бу воқиа, подшоҳ бўлмаса мамлакатни мудофаа қилиш мумкин эмас, деган ва шарқда илгаридан ҳукм суреб келган қарашларнинг асоссизлигини фош қилди.

Мұғул аскарлари енгилиб, Мовароуннаұрдан бутун-
лай узоқлашды. Үз ватани учун бу ташқи душманга
қарши курашдағолиб чиққан Самарқанд ақолиси ҳо-
кимиятни үз құлиға олғандан сүнг, сарбадорлик плат-
формасыда туриб, үзининг ички душманларидан үч
олабошлайды. Шунинг учун бу ҳаракат тарихда „Сар-
бадорлар ҳаракати“ номи блан оталади. Сарбадорлар
ҳаракати бир қишлоғ давом этди.

МУНДАРИЖА

	Бет
Автордан	3
Ўзбекистон ҳалқарининг юнон-македониялилар ҳужумига қарши кураши	6
Ўзбекистон ҳалқарининг араблар ҳужумига қарши курашидан эпизодлар	16
Ўзбекистон ҳалқарининг мўғуллар ҳужумига қарши кураши .	30
Ўзбек ҳадқининг ватан учун қилган куашларидан бир эпизод .	51
